

T 3195/3302.83

CHINESE-JAPANESE LIBRARY
HARVARD-YENCHING INSTITUTE
AT HARVARD UNIVERSITY
OCT 20 1941

8

永新縣志卷之十

哈佛大學漢和圖書館珍藏印

藝文三

永新縣知縣王

瀚輯

詩

賜挽贈在僕射楚國公劉沆

宋仁宗皇帝

早富經綸業中成輔弼功立朝無黨勢為國盡公忠

此日悲遺直誰人嗣匪躬深嗟亾一鑑何以慰予衷

別永新畱題公廨退軒

邑令元絳

三年作宰別無功種得桃花滿縣紅任罷不能收拾

去一時分付與東風

題禾山蕭秀才臥雲菴

王庭珪

○

江南山盡頭氣狀頗英淑禾山倚天開蒼翠滿林麓
扶輿磅礴起橫斷湘江曲中有隱君子結茅在深谷
未放雲出山蟠雲臥幽獨暮檐青溪眼遠靄寒山竹
景色嘉有餘幽人夢初熟起看柱礎潤山前雨應足
永新法雲上方

宋劉翥

石廊西頭物色好別有淨界擎青蓮玉虹挂門一水
割碧雲差徑千家連浩歌流年客尊酒高臥白日僧
華顛夜涼散髮弄明月更欲挽駕青翰仙

禾山嘉禾

提刑郭祥正寄州

英英禾山木乃是鳳凰食鳳凰殊未來禾生亦何益

登白雲凌霄峰

劉沆

一峰復一峰危磴通
為陸步出紅塵外身臨青漢中
碧杉梳曉日黃葉弄秋風
徙倚閒凝目高天望不窮
聰明泉

劉沆

義山山下有靈泉泉號聰明自古傳
四百年中三出相不才何幸繼前賢

永新義山道中

泰和令黃庭堅

莓苔石點雨痕斑又忽尋詩到義山
疎影障空崖樹老清陰向日野
花閒望窮碧水孤城下行盡白雲雙
吳間日暮荒村聊寄枕鄉關惟有夢飛還

元陽洞

李 祁

昔年會上鳳凰臺今日重携勝侶來
洞口雲深龍睡穩松梢煙暝鶴飛迴
蒙茸翠草山腰合璀璨瓊芝石
罅開千載何人傳相業夜深凝睇望三台

鳳凰臺在洞左

弔譚烈婦

黃士能

母子臨危不失身精魂著土偶傳真至今一片模糊
血心地分明託聖人

遊南華山

邑人樊瑞可

一笑掀髯拂袖還朝吟乘醉下仙山
百年擾擾誰無事纔得登臨便是閒

過龍溪橋

邑人龍仁仲

滿壑春陰謝豹啼白雲堆裏樹高低
東風綠水橋邊路踏碎殘紅信馬蹄

登禾山三相臺

釋惟則 天如

我登三相臺南望雙吳峰俯視下界如凌空
開元老樹可百丈斷崖盡日呼顛風
甘即攀果學猥挂楊子枕石飛泉中
垂藤離地坐我穩袒洗長肅如乘龍鳴
呼昔人不再得臺上土花幾秋色前身不與後身期
白雲豈識蘿衣客安得近代顏輝來畫我石上驚風
雷 時甘楊二友偕行

武功山

釋無詰

漢家帝子闢仙居
勾漏山川較不如
海竇中通壬癸
水峰壇上直斗牛
墟吠雲犬去留丹
鼎行雨龍歸化
白魚聞有神人飄
羽翰凌風手把玉
芙蓉

訪武功葛仙壇

邑令烏斯道

長憶仙人葛稚川
遠尋勾漏問丹泉
煙霞不厭久爲
令雞犬誰知併化
仙細水洞中流白
乳高峰天際削
青蓮憐予作縣終
何事過此題詩意
惘然

禾山龍門溪

教諭邑人賀守約

雲開翠壁見天梯
瀑挂龍門望忽迷
石磴潭疑神禹
鑿苔碑細認魯公
題半空怪露嘘殘
屋千尺飛瀧飲
斷蜺欲汲清泠洗
塵耳自扶藜杖過
前溪

次龍子高屏山之作

賀守約

早平名價動京畿
此日修閒訪翠微
門對山城青栢
合天連沙渚白鷗
飛晉朝丹竈殘煙
在漢代銅仙昨
夢非笑指蓬萊幾
清淺空憐芳草弄
晴暉

重遊武功山

賀守約

勝日武功山下路
碧桃花落澗泉肥
道人新構雲間
屋童子能看劫外
棋緜嶺風清笙鶴
遠昆池灰盡石
龍飛此來欲借薇
垣露研寫重遊竹
院詩

題學宮魁輔堂六萼梅

賀守約

魁輔堂前六萼梅半簾香影為誰開東風似識何郎面暗送飛花入酒盃

東華觀

解縉

山拱東華踞勢雄俯看城郭笑談中樓臺影倒一江月松檜聲傳萬壑風賓館茶煙凝座紫仙房丹火隔林紅素知弱水環蓬島今日客來仙路通

予譚烈婦

解縉

倉卒携孤值亂兵血痕入土燬還青家公自信生無益命絕誰知死有靈江上老娥沉骨冷嶺頭貞婦墜

魂醒何如木水芹宮畔千古穹碑為勒銘

龍門溪

解縉

龍門溪水聲珊珊魯公大筆彩雲間憑君多借幾隻鹿待我重來騎看山

觀龍門石刻

給事
中 李鈞

瀑布懸巖削琬琰魯公大筆垂琅玕日邊鸞鳳渾騫翥雨底蛟龍強屈蟠拂拭僅容閒客過摩挲難遣俗流看也知忠義留心畫尚使奸諛膽易寒

秋山圖

劉定之

我愛秋山真崔嵬龍猊虎怒從天來高摩蒼極一規

小下壓后土八軸摧寒巖露骨藏古雪飛瀑落耳轟
震雷鳥棲踏碎老藤雨鹿跡印破顛巖苔幽人結屋
於其下戶牖多面山光開空翠晴飛潤衣桁野芳時
摘薦酒杯月明或聽山鬼嘯日晏坐數樵人回秋山
景物有如此我欲上築讀書臺高揖天公澣銀漢坐
令沛澤遍九垓華堂看畫心何壯一飲未覺空金壘

禾山寺

叅議 劉寅之

芊鞋三月過龍門得入名山禮世尊五老峰高青漢
通千僧釜在白雲屯奔泉落峽鯨鯢吼巨石當空虎
豹蹲荒跡無人問昔相松風入夢憶澄源

前題

都御 劉敷

瀑瀉龍溪萬仞懸芳聲留得魯公傳月澄碧沼游魚
靜雲黯青巒馴鹿眠曲徑斜封疑隔城危峰亂插若
擎天古今只說遺識記勁節寧辭繼昔賢

前題

兵部 劉時

投簪新入散人場一見青山便欲狂步履久懷窺巖
案濯纓仍喜及滄浪泉鳴石竇作人語鳥息松林笑
客忙聞道仙窟通異境擬循丹磴過重崗

前題

邑令 陸祭

禾山突兀幾千峰山自青青水自流萬頃碧濤澄玉

鑑一輪紅日靦金慈眼觀西北三千界勢壓東南數
百州好景此時題不盡天生有分再來遊

先月軒

在東華觀

左布

李

禎

纔覺黃昏便倚欄水輪蕩漾綠波間梅痕印紙窓生
白松影侵簾戶不關鳥訝巢明棲復起人憐夜好倦
猶看寰中莫道皆塵土此處還應似廣寒

和李方伯登東華樓

二首

封編修
贈侍郎劉

髦

層巒傑構竝崔嵬隔水紅塵淨不來鐵笛一聲雲外
落月明疑是列仙回

屏山玉立接旂竿西北羣峰次第看李愿倘成盤谷

隱幽棲吾欲傍沙干

過東山非空村名

教授

吳孟勤

佛刹高開竹樹邊老僧如此似棲禪翻經石上雲生
壑洗鉢磯頭月在川幾曲溪山藏梵界半空樓閣擁
諸天遠公不笑陶元亮擬結東林未了緣

東華觀二絕句

江西按察
僉事彭

紱

花繞仙巖水繞門依稀風景似桃源迴廊曲處無人
到一犬依雲臥竹根

瑤壇小草暖生香童子開函曬洞章鶴避茶煙松杪
去元翎拂落萬年霜

寄題青霞觀衆芳亭

訓導邑人龍沁源

聞道新亭向水開天然位置有仙才
松陰入座留棋局鳥語當窓勸酒盃
細雨閑尋芳草去好風時送落花來
主人向此多詩興何日憑欄我亦陪

南臺

龍玉泉

秋松落層陰秋水蕩寒碧一曲紫瑤琴
空山暮天寂

琴亭

世稱姚相彈琴處

御史江玉琳

彈琴人去是何年尚有亭存曲澗邊
柏業一時垂鼎鼐聲華千古動山川
秋風別調傳金昊夜雨餘音漱玉泉
傳語山靈同愛護鳳臺今已盛雲煙

東華先月軒

翰林庶吉士張叔豫

近水軒窓晚更宜清夷似與素娥期
江生微魄簾初捲樹礙清輝席屢移
涼影含風醒醉夢斜光引露沁詩脾
道人夜禮羣星後看到漁舟罷釣時

吊譚烈婦

江西按察司僉事高旭

亂離無處避戈鋌猶擁孤兒在膝前
貞骨已埋譚氏土烈痕猶着孔庭磚

東華讓雲軒

祭酒忠文公李時勉

閒雲多在山山深雲不去中有學仙人
凌雲獨飛步仰挹河漢流俯瞰崑丘樹
下視滄海潮蓬瀛在何處

但見浮雲飛風驚不能駐昔時簷間宿卷舒應同趣
變化成倏忽去來欲殊路萍洋住爲霖慎爾天瓢注
朗然歸巖壑歛跡不相顧儻遇洪崖仙仍乞雲巢住

讓雲軒歌

尚書文
襄公周忱

道人本是浮雲侶身與浮雲同棲住清曉相携出岫
行黃昏作伴歸巖去有時偃臥小軒前分雲半榻共
高眠有時行吟過松塢雲在松間亦延竚揮毫或寫
琅函章雲絢五色成輝光飛符或欲祈甘雨雲逐颺
霆向空舉雲兮雲兮本無心道人自許相知深白衣
蒼狗從變化歛忽上下誰能尋中年住向吳峰下獨

占吳峰作茅舍猶讓千峰借雲棲長日看之作圖畫

東山非空和尚鏡軒

春坊司
直郎張景良

高懸寶鏡照軒楹塵外人從鏡裏行一道清光開玉
暈千年寒氣逼金精能令有相歸無相可使前生悟
後生欲問西來無上意秋空雲淨月華明

宿東華觀

進士李伯尚

仙家樓殿倚青冥赤火流金衛六丁地近雲霞常杳
靄夜寒星斗倍晶熒驚猿墮木霜鐘急宿鷺爭巢晚
樹腥深洞碧窻如不鎖願來掃榻讀丹經

東華山歌

邑人段原中

東華勝地盤嶄巖下臨百丈之深潭秋山遙橫縣西
北巽峯獨在天東南赤林粲如綺一水青接藍道人
結屋棲隱乎其間衆峯排闥獻竒輪秀於浮嵐流霞
夜釀作天酒白雲朝剪成春衫仙翁羽客紛總總而
來下擎衣鶴佩青鸞驂爐煙裊沉水道韻腹清譚近
市飛塵高過馬咫尺迴隔仙與凡嗟我驅馳厭塵土
卜居久欲從彭咸山中黃獨不難得呼童爲我修長
鏡

武功山

釋非空

蜀帝行宮草樹寒武功拔宅走仙官龍分坎水歸丹

井鶴占乾峯作雨壇天關上清三玉洞人窺北斗
銀環藍橋路斷香風遠雷護瓊書降紫鸞

梅田洞

知州亭
縣事柯暹

萬古梅田洞因君得共遊煙霞籠翠壁日月照丹丘
水淺龍疑在棋殘局尚留神仙何處去石室自春秋

泰定觀來鶴亭

劉敷

蒙泉春比元都觀况對芳亭景物幽已報浮丘來白
鶴應看函谷度青牛絳桃萼吐林間徑碧杜香生水
畔洲老去韶華知自惜乘閒今日重淹留

弔譚烈婦

江西
提學夏寅

馬賊儒宮得死門殿楹血影舊精魂只應研取葺弘
碧點得佳人怒目痕

永新山行用姚大叅韻

夏寅

王事同行役逢春不當遊僕夫勞以馬山轎穩於舟
樹老多巢鶻溪乾不下鷗溪談及民瘼爲喜復爲愁
驛車頻問俗舊學載書行嶺上千松秀田間二麥成
戍戈防盜入巫鼓賽神鳴前館逢昏宿春宵苦易明

宿東華觀

翰林編修王臣

山勢崑崙半插空危峯遠瞰楚天東隔窓環珮鐘聲
裏近水樓臺波影中百尺青松巢鶴鶴半輪明月浸

簾櫳紫微閣上星辰近疑是蓬萊第一宮

吊譚烈婦

江西左叅議孫敬

綠蘿溪樹掩荒祠曲徑蒼苔臥斷碑高節自隨天地
老真心應許鬼神知

登南華山

吉安可理樊甫

躡磴攀蘿到上方上方樓閣倚空蒼嵐光不散經年
暝暑氣全消六月涼地僻那無高士隱洞溪疑有老
龍藏何緣更共飛仙侶直躡層巔小八荒

登南臺梵慧寺

鄧都知縣陳鼎

重樓疊閣倚巉巖孤寺疑懸碧落間拄杖迴臨塵外

元新影志 卷十
境捲簾仍對畫中山休憐佛說恒河苦且共僧留竟
日閒却笑未能離住相夕陽西下不知還

遊田寺

教諭曹謙

義山南下古招提乘輿相過信馬蹄龍去洞寒迸水
咽鶴棲松老壓枝低花前酒許高僧勸竹上詩留好
客題記取今朝歸去路重來莫遣白雲迷

東華觀

邑人劉隆

溪外三山莫浪誇塵寰勝地有東華元關夜湧金潭
月紫閣朝飛玉洞霞水際雲根蹲虎豹壁間仙篆動
龍蛇滿庭香雪東風細吹落茶蘼一樹花

登南華赴樊從淮之招

曾泰

宿酒連朝尚未消登臨又赴故人招東風一騎穿花
去聽徹鶯聲過短橋

別東華蘭友山房

黃子瓊

上界無因伴鶴羣青松樹下別茅君石牀去後誰同
臥惟有秋山幾片雲

洛陽峽

訓導贈
侍郎尹爽

千崖峻削起崇墉一水中迴路僅通峽東曉嵐迷錦
繡山含晴旭裊芙蓉乾坤異境元裁世塵土吾生浪
寄蹤安得誅茅開數舍一編長此臥雲松

吊譚貞烈祠

朱 袞

煙塵漲天天失色大事已去誰為力一婦綱常誓不移八磚肝腦同嬰兒舅死汝姑死汝妻不死汝死何所當時若失梁背人死後誰傳絕時語譚家婦趙家女姓可易鼎可舉神不為辱志不為沮馬賊那辭干刃加灑血已得八磚許賴有聖賢為質證苔花土暈到而今

前題

祭酒文 鄒守益 莊公

饒江殛龜蛟東海枯榛菅幽明本邑氣呼吸相循環卓哉烈婦節為世立大闕至誠感金石金石化其顏

天貌貞烈圖肅然對孔顏劫火豈能燬萬古血仍殷我來弔遺跡髮竦淚欲潛瓣香拜幽祠憶想環珮珊珊嗟彼紛紛者孰透生死關

遊南華山

府長史 賀 泰 前御史

勝地來遊興自濃白雲踏破幾重重凌空喜見仙人壘聳目曾觀玉女峯丹竈久閒存伏火琪花微馥襲孤筇夕陽阡陌經行處試聽豐占訊老農

東樓晚眺

知縣前 王 格 庚吉士

樓高引孤眺江樹遠生秋古岸迴樵徑新沙隱釣舟懷人芳草合瞻闕白雲流極目南天客凭軒起暮愁

南華山次賀侍御韻

都指高 膚

乘興登山意自閒，短筇扶醉入雲關。
長風巨壑身堪御，叢桂寒巖手可攀。
縣郭近看斜日外，村林時出亂雲間。
錦囊收拾春光好，歸路鶯花共破顏。

元陽觀宿

知縣徐丙

日月西飛如跳丸，誰能百歲住人寰。
平生厭客長爲客，垂老求閒未得閒。
却笑一年拘俗吏，何緣兩度宿名山。
煙霞回首紅塵夢，晝溪頭憶閉關。

東山寺憇

知縣沈珠

偶憶東山勝，乘閒入翠微。
閣深炎暑失，院靜執輪稀。

默坐如無我，閒行自息機。
大顛誠可語，何惜重留衣。

屏山會友

知府甘公亮

天作名山控碧流，衣冠幾此暢清遊。
花知人意先期發，客慰鳥鳴幽谷求。
袖拂蘚苔分坐石，水流煙月共歸舟。
行藏一笑堪忘累，肯向塵中挂片愁。

碧波巖

運使劉夢詩

首夏新晴有此遊，山深嵐重忽疑秋。
盆魚得水欣人聚，谷鳥出林共友求。
坐眺煙雲生絕壁，翻疑雪雨在飛流。
此中樂意誰先得，笑撚巖花插滿頭。

前題

學正劉夢賢

登高况得水相依移席盤林翠自圍泉帶山光流暮
遠洞含秋色引涼微捫蘿自歷青峰險倚杖高吟黃
葉飛塵土誰能生羽翰殘盃聊遣駐斜暉

牛山亭歌

教諭
邑人尹奎

酌我牛山酒贈君牛山歌牛山之亭宵踈豁何人結
構依巖阿上有危峯千尺之峻標下有奔溪百折之
流波峯盤溪繞路中阻但聞泉石清音珊鳴珂山中
之人冠嵯峨鶴警不厭穿松蘿車蓋翩翩颯茲集笙
管吹落峯雲多中天霞彩駐孤景笑持美酒傾金螺
駕鶴仙人應可召乘鸞緜女疑相過異草金光欣來

致翠蕤雲旖紛蕩摩坐取鐵笛爲君弄赤鳥飛上扶
桑柯層巒曉色仍相對溪聲互答供吟哦我來尋君
牛山裏牛山雲向君前起裁雲爲我衣推山作君几
爲君倒盡三千甕迴看諸峯暮光紫

東華酌友

邑人徐慶鍾

溪上峯迴一徑深溪邊楊柳帶松陰美人卜築金星
嶼落日放歌紫霞岑綠簑元真元避世滄浪漁父更
何心客來壺挂長房舍共醉蘆花淺水濤

譚貞烈祠

尹臺

門移誰不墮煙塵一婦臨危獨殞身生誓丹心甘殉

節死憑碧血與傳神八甌祠廟高天近千仞宮墻皦
日新今古烈名誰可竝禾山嶧嶺對嶙峋

秋日偕諸友集梅田洞

尹 臺

錦林遙簇碧雲稠石戶高開少昊秋偶共稷亭談白
馬貪依函谷駐青牛中天密室仙人隱異代真符使
者求老幸歌遊長此地不知塵世隔丹丘

題端威觀張道人宗泮南室

尹 臺

近市浮煙積背林寒日陰青山疑勸酒黃葉似招吟
千古濠梁意十年魏闕心還丹如可問吾欲此投簪

陪陸給事龍門溪歌

尹 臺

哀巖偪仄峽寵從雷源倒激山根動中懸千尺怒噴
之飛流迴光蕩日生虹蜺偉哉此壯觀萬古霾雲端
礪道折盤石歆阻風吹練色千峯寒千峯窈窕路深
入獨嶂衍谿過幽絕樛木蒙籠半壁陰屈枝及偃雙
崖黑憶昔魯公文采遺揭嶂巨字交纍垂苔斑不蝕
鈎紐古雨溜或洗剗刻虧攬盤下撇夔魑走鬱律上
撼風霆吼穹梁危扇石腳塌神工最屬護持久伊予
慕跡景名賢攝衣欲往心翻然晝思想像窺林樾夜
夢彷彿行雲烟何知茲晨陪使蓋礪砢徧躡窮奇昧
長嘯高歌宇宙間古今豪哲誰相待八百餘年魯公

死乃今復有貞山子勁節可聳後代瞻英氣欲振昔
賢起山川靈怪豈隱淪地因人勝古所珍况今同游
三四輩侷儻亦更非常倫登高眺遠恣所越絲管啁
啾逸興發但覺飛揚絕後生安知磊落愧前達君不
見永南山水稱界圍有唐遷客多是非任文醜附不
自惡閔篇殫後徒光輝何如茲山之溪千古流潺湲
魯陸聲跡先後傳嗚呼二公聲跡倬天漢我獨胡爲
塵土湮

讀書臺

劉光震

肩吾

亭憶琵琶慨賦詩讀書臺在悵歸遲曾編野史江南

伏復作歌鳴塞北悲念昔恩深傷國事懽今澤遠慰
孫詒花香幾度春風好迭砌桐芳抽瑞枝

赴戍過馬頰同吳張二君作

侍董傳策

客行九千里舟過十八灘山疑三峽險水似五溪寒
挂纜蒼松杪停橈白石湍路難何足問此地是平安

題梅田洞石壁

都御史溥

洞巖虛以深遊歷令心醉更欲探幽竒恐驚仙人睡
白雲洞

羅洪先

一片孤雲作洞扉晚風斜日駐征駢莫將洞裏雲輕
放留伴他年臥薜衣

紫雲山侍宴

庠生 尹覺民

九月九日秋風清紫雲招客同盃罌谷轉峯回人竝
往天空雲澹鴈初鳴惡風吹袂忽成冷積雨開帟訝
放晴多病茂陵憐昨起杖藜入此欣平生

同友人遊南華

庠生 賀謹新

鳥道盤空一徑幽欣逢勝友許同遊天然練白泉空
落分外丹青石上留洞口花明當晚照松梢鶴老起
高秋開心不負登臨興夢遶仙山十二樓

南臺寺

庠生 盛 榘

高岑臨絕澗曲徑透危橋地僻塵兼遠林深暑易消

慚非元亮隱欣有遠公招欲問真如意青天片月遙

過東山寺訪老宗伯

邑令 龔錫爵

投馬入招提林深磴道迷暫容安石臥可是道林棲
淨界起非想清言遠俗蹊已能忘去住那復厭扳躋
尹鳳湖參軍招遊南華 龔錫爵

遲君能選勝暇日結幽尋窈窕凌空翠透迤入暝陰
懸崖飛流恣絕壁過雲深自得真搜趣悠然慰遠襟

吊譚烈婦祠

龔錫爵

忍死須臾事紅顏肯自移投崖堪比烈化碧詎稱奇
各共花韞在心將雪瓣知精英遙起肅臣妾媿男兒

次登興文閣示諸生之作

尹 臺

西望祝融千里蒼東來雲氣引勾芒當秋似逼諸垣
象入夜應迴列宿光楊子傳經心獨劇文翁化俗意
何長登樓知異仲宜興狂簡於今藉有章

東山寺辱石巖龔侯枉顧有作 尹 臺

淨樹隱菩提雲深梵閣迷數花開佛供一鳥下禪樓
永結丘中好言尋象外蹊何期晷寫降更共鷺林躋

紫雲山

邑人彭 庠

一點紫雲生秋風萬籟起蟬聲黃葉落秋在深林裏

禾陽署中

王用仁

向壁狂吟日已曛興來得句遂紛紜窻間竹影搖新
綠又酌清樽對此君

遊梅田洞漫成二絕

庚吉 甘 雨

石髓滂淫曲竇斜瑤房日日秘館訝仙人一去殘碁
在消盡塵間幾歲華

踏徧層雲訪紫芝却於人境見靈奇悠然我欲冥搜
去裾滿青霞濕不知

九日讌集武功山次尹明府韻 甘 雨

窈窕仙林轉石屏登臨此日憺忘歸當筵詎可無黃
菊送酒何妨有白衣秋老蕪葭傳浙澁晚晴雲物動

依微佳辰茂宰招幽賞好記山中共駐驂

賀顧將軍壽 請雄號得與明初封武毅將軍鎮此遂家焉

劉定之

白髮將軍膽氣豪還家猶著舊征袍恩深相邑留車
騎義重琴亭望節旄綠繞春營歌細柳紅垂曉席醉
蟠桃功勳已喜傳青史何啻凌煙畫彩毫

樵歌六章章六句

陳宗祿 在中

農務十千畝旱魃奪汗邪釣把一竿竹山溪少魚蝦
除却採樵路教人何為耶

天子方宵旰儒官競春華吳綾玳瑁管寫盡長安花

除却採樵路教人何為耶

虎臣尚矯矯為王脩爪牙綠杯捲荷葉河上泛流霞

除却採樵路教人何為耶

赤者疑是狐黑者疑是鴉秋高馬已壯鼓角動悲笳

除却採樵路教人何為耶

南山白額虎北谷赤幘蛇信步都有碍霜雪矧無涯

除却採樵路教人何為耶

遺書非不富經史及百家豈少腹笥便青門學種瓜

除却採樵路教人何為耶

廣果寺玩白雲

尹襄

身在白雲裏心與白雲閒白雲渡江去有時復還山
雲去雲還誰使之我欲問雲雲不知數椽茅屋春風
暖書籤衣桁雲皆滿游客去後門仍封野僧歸時路
每斷僧房借我住經年坐臥對之息萬緣却愁出岫
從龍去山人長誦白雲篇

洪岫晴雷歌

陳宗禘 惕軒

屋角洪岫真神奇杲日鳴雷誰所爲似雷非雷何用
推陰陽氣結非有私獨向火龍相騁馳石爍金流人
頗疑特地奮擊無斷時羲馭日輪將何之此中豈有
阿香姨此聲豈出列缺椎大鳴小鳴推者迷不鳴忽

鳴天不知石燕差池翻地祇遠近邱壑潛裡移蛟龍
吐雨飛淋漓憂者已喜病者醫昔年旱甚禾麥萎炊
骸食人連嬰兒好遷此山升雲達霍光拖出炎漢旗
動與天下存安危胡爲解澤於一隅天故使不竟其
施噫天故使不竟其施

送鵝放生二絕

黎士弘

畚得三鵝斷殺後留之春星草堂兩載矣予
將去邑而東送之尚山賚以稻梁六千合

隨人飲啄也堪憐送去青山學打眠不許右軍將帖
換劉家雞犬亦能仙

高剋修羽亦亭亭曾解尋花繞畫屏聽罷談經山月

永新縣志
藝文卷十
冷應知聚族話春星

秋山謔送別黎媿曾先生

賀紹孫

芙蓉花豔荻花蒼神君去我赴鞏昌上書撫軍留不
住簡命方新促行裝白頭老翁山凹出起拜道傍含
淚說他鄉各自說恩波如我恩波未易悉我家住在
秋山西山溪屢遭胥吏欺年年鬻賣了租賦不註完
刪註欠遺前官嗔怒發兵格男女縲絏道路塞天高
難呼冤氣沉白日不照囹圄黑公來戊申八月中殘
邑枳棘變花封下車蚤將民隱悉却憐杼軸遍小東
呼向堂前檢簿對盡是前官虛交代重徵不忍蠲不

能盡藉俸錢爲我貸幾年繫繫反故廬鳩巢鵲哺認
舊雛贖完兒女悲復喜爭來挽鬚復牽裾蒞政三年
太平好潢池靜寂綠林掃山村有路通城郭行徃無
人生春草纔得三年獲所天詎意琴調遠更絃譬彼
嬰兒食母乳舊母乍離依新母新母雖復仁且慈何
如舊母恩膺膺彼沉痾遇良醫前醫纔効卽新醫
新醫雖似盧與扁何如前醫起我痺慙慙再拜官道
裏酌獻琴亭一杯水他年霖雨遍九垓願垂膚寸亦
如此

紀異詩

尹方平

宋鄂王征楊么於洞庭經色城西門日此殺
方也門宜狹乃命更修修者琢石肖王像於
城門上崇禎丁丑楚寇圍城先夕城卒見有
披甲馳騎於雉堞者跡之無有越日賊至敗
去始悟爲王之靈也

武臣一死竟誰先但願文臣不愛錢玉帳當時經下
邑金戈易代護殘邊早計羣狐侵境內陰驅匹馬立
城尖西郊一望今猶在莫道襄陽石及天

遊阿育塔詩

有小引

賀鳳生

阿育塔南去縣治四十里於萬山中上臨無
地下瞰重淵傍有飛來石佛書所稱舍利塔
八萬四千
之一也

飛來片石自何年法界護持念我先一水含靈時釀

雨諸峯未了忽生煙鐘聲控控迎濤起塔影修修抱
月眠絕壁擬書謝眺句欵而嘯者已仙仙

寓禾山最深處

賀鳳生

山中無事真無事鎮日無心愁打癡一事到來心便
急怪雲何事夜歸遲

遊龍溪

進士固周文謨五禾
安令

乘閒策杖步龍門爲訪平原蹟尚存萬丈流光搖石
壁千尋飛瀑出雲根
蟾臺日落秋峯影松徑雨餘古
翠痕更上倚天清絕處許誰把臂共朝昏

魯公石蹟

賀靖國

龍門蘸筆亦何工今古遊人看未窮透紙畫沙君莫
擬平原浩氣貫其中

澄源古松

賀靖國

老盡風霜一幹奇青黃散彩匝爲枝森森敲破虛空
響恰似鼓聲未了時

聰明泉次劉楚公韻

賀善來

方州處處有靈泉贏得聰明此地傳卜相由來非絕
業還期風節彷彿前賢

金橋菴

賀善來

曲曲迴還渡尋源到梵天誰云流水去長在寺門前

秋日蓮峰遠眺

卽高峯寺

朱一扉

俯視羣巒詎不遙中峯特立干青霄幾行修竹隨雲
舞數點梵音帶霧飄遠市依稀鶯落鴈長河澎湃雜
聞樵莫云方外無知己僧舍茗香早見招

遊禾山同賀予將

金映

到處探奇未肯慵高山逸士偶然逢籓吳障楚鐵騎
勇下殿辭樓玉女容源祖鼓聲松引鶴魯公筆法水
吟龍從君謾話匡時事且數嘉禾七十峯

遊碧波巖遇雪和叔荆濤韻

十首之一

江靖寶

高巖容坐嘯笙鶴若聞聲雪意收寒炤雲光發晚晴

絳霄行欲近碧海望還明將駕長風去松喬待我情

梅田洞

郭維翰 駒岡

蒼然屹立闢元關天地由來寓等閒躍浪虬龍存色相懸空磬鼓驚愚頑神珠未許唐人取仙局常憑遊子扳峯際雙童疑不老萬年日月任循環

鵝山

周來賀

鵝峯崛起幾層巔鶴峙西江不紀年風動山搖如鼓翅人從背立若登仙遙餐甘露門邊草近飲聰明嶺下泉天地為籠飛勿去長留勝蹟鎮禾川

贈鳧村周節婦朱氏

朱蓮花人時年七十

龍科寶

紫陽留正氣碧月照貞身蓮淨鳧溪水栢堅鐵石人問年今已老聞哭慟猶新滿地皆秋葉淚紅欲點勻梅田洞中遊賦得古詩此山何時有

郭中傑

此山何時有蒼然主衆阜曠望煙雲間青龍獨蚺蟻景物狀難窮即視具背負造物者効奇扁闕茲焉剖中空石堂平谿鈇山出口三徑豁雲門遊觀斯携手行行敞高宇空際當牕牖誰留夜光珠晃晃射星斗鐘磬如在懸響應以所扣靈龜啣尾遊謂乃牝與牡一水自清淺隱躍昂蚪首玉石渾無分亭亭一株栺

柳邊人何處棋殘枰不朽流觀山海圖知復有是否

大洪山 又名花斜

尹鉞

山有花斜號大洪復著靈探奇忘嶺徑紀勝缺圖經
讀罷閒搜索靜看思典型一時頗眺望不負數山青

偕友人郭若士遊起觀寺園林 尹啓殷

載酒尋幽徑孤懷得共隨雖來行樂地未到遣愁時
樹密鳥聲合杯香菊氣遺曉鐘山寺發戀賞歸言遲

梅田洞

周映奇

重重峭壁帶雲深結得遊人古到今花綻層巒香裊
字風廻幽壑水彈琴江山待我須留韻樓閣當年空

遠尋次第峯光堪着眼誰將殘局埋孤岑

寄題尚山寺東柏大師次家季子韵

賀是

聞道安禪處天多鳥路通名香聞夜半清磬出雲中
種樹春先到力田歲獨逢陶潛心不雜三笑幾時同

經禾山廢寺

金光弼

夙昔香花勝荒涼若箇邊可憐陵谷態亦到梵王天
舍利霾秋草琉璃沒晚煙倘逢彌勒語斟酌下生年

春遊曲

王親臣

快馬換春衣鶯花錦繡圍柳開得意綠桃帶可憐緋

戲蝶尋香住燕鴉試子飛佳人何處至留賞未言歸
讀書禾山太平寺

左暉吉

爲厭城闐鬧荒山獨夜心白雲巖壑滿黃葉寺門深
浣耳來飛瀑開簾過暮禽不知車馬客何得似東林
碧波巖

賀旦

巖非近代蹟泉豈末流聲十里歸雲靜幾峯落鴈晴
僧閑依佛老月小羃明燈仰止前賢處條然怡我情

楓仙寺

周永大

積雨纔能霽尋幽向寺行樹疎雲補密山暗水添明
怪石當仙路名花淡客情禪堂謁老衲面壁九年成

南華山

賀泰生

壁立南華秀探奇客獨登片雲高結屋六月正含冰
宿霧懸崖濕穿天瀑水騰欲成逃暑會誰共踏峻嶒
遊南華宿賀藹人雯莊

李甘

勝蹟昔年有意尋探幽此日遂初心泉飛絕澗行雲
濕日轉空山古木陰披草杖藜逢野老沿溪結舍問
知音到門喜笑忘賓主樽酒桑麻語夜深

阿育塔

龍德中

蒼然巨石立雲窩誰向懸崖架鳥窠下界栽松嫌地
少上方放鶴喜天多行經細路飛紅葉坐倚高樓對

白波寄語風塵車馬客好乘暇日一相過

尚山瀑布

龍大綬

雷轉山驚白浪懸急流之下有長川始知一滴曹溪水無限香浮到海天

登唐興寺觀音閣

周德寶

御風登畫閣四望接天青樹杪迴人影樓中識履聲僧鐘敲夜月山鳥弄春晴檻外溪光好曠然怡我情

遊起觀寺

劉齊珠

得到山頭秋正涼又聽溪水奏霓裳足音聊慰故人喜禮數不煩知客忙石上移雲同布席竹間掃地即

直觴來參雪竇渾無語半卷殘經月一珠

讀書高峯寺

龔是珞

出世真僧萬事慵惟餘一鉢好藏龍門前徑曲通流水園外牆低見遠峯未許俗人連白社時招高士坐青松三春下榻多深省虛室幾迴聽曉鐘

起觀寺題壁

劉作相

步入遠山岑雲封一寺深泉懸空際色看壓晴光陰鳥宿同僧定谷鳴響梵音烽煙不到處敲竹且長吟

秋汀黃花

賀吳生

幾見黃花發飢蜂憶暖遊平沙來旅雁落葉學浮鷗

岸澗雲依石灘高月倒流金風吹不盡野草自忘愁
石廊洞題壁

賀子將覺

洞竅何年闢危橋共鳥尋幽靈通衆響萬古石廊心
高士山

賀覺

衆山何自卑只避此山尊膝繞皆孫子肩隨寡弟昆
高枝留鶴夢絕壁斷猿魂薄暮人遊到松聲起石門

偶吟

閨秀賀氏桂秋安

雨過閒庭蘭葉新青竹窓深倚看鶴梳翎

秋日避亂漁家

賀氏桂

老漁門對鴈沙灘遠宅竹陰秋意寒湖光近寺碧千

頃茅屋隔鄰青幾圍傍橋楊柳橫披網疊石蘆花急
轉瀾憑誰爲報籬邊菊珍重清霜待細看

和李小調宿雲莊次韻

賀雲吉

舊日南華與客尋幽棲始遂愛山心琴彈古調當松
影詩誦國風坐竹陰芳艸有情游屢約故人無恙足
聞音知君久已忘機事相對樽前意自深
東青獅山問雲和尚并致金狂寄

李甘

聞道南村裏青山無是非蓮池應有贈荷葉製儒衣

梅田洞二首

黎士弘

不附羣峯自立尊
桃花紅近宛成村
捫天就日無多路
放月歸雲各有門
父老時從徵異事
神仙終未淡名根
桑田換盡渾彈指
小洞殘碁局尚存
居然舊稿畫雲林
斜着苔痕黓墨深
小置斷橋安樹底
稍添平屋補巖陰
石當竒盡扶筇看
洞愛幽多秉燭尋
徙倚空天風御冷
不教衣袂點塵侵

秋日李鎮公招遊梅田洞限韻

賀雲官

硯盟

踏破雲霞扣洞門
如尋好友話寒溫
層巖地現神仙宅
一竅天留日月根
暗度涼陰遮去馬
載來秋色滿行轅
峴山歸羨羊公日
野客追隨有道存

詠禾山諸景

劉龍奮

禾峯突兀七十一
勢與朱陵爭後先
層巖絕壁人不
到上有平湖欲倚天
龍溪雪浪怒如雷
平原鐵筆留石邊
崗口遺踪依然在
五老拱峙自何年
三相讀書臺猶舊
雙童執卷心能堅
中有古寺名甘露
十八傳燈稱聖賢
拂塵楊枝長不老
打鼓蒼松竟窅然
石壁燈懸明千古
照耀太空吐青蓮
修竹古坪臨無地
橫嶺枕障鎖雲眠
金牛嘯弄山間月
飽餐煙霞不被牽
白雲峯頭鳥跡稀
翠崖凌霄來天仙
萬歲古橋濟川功
鴈塔鳳儀開世緣

登紫雲臺

其臺在東鄉七
十都曲塘

葉擎霄

平崗倚岫帶微曛坐對霞光問紫雲
幻入青冥漸有望景窮碧落靜堪聞
鶴歸應避射天矢仙去曾留修月斤
更向瑤臺拾異產山前彷彿憶靈君

秋日梅田洞和賀紀人咏

李浹發

乘輿驅車到石門遊人色笑此中溫
花開瑤草紅無賴乳滴巖泉碧有根
父老歡迎山下部童兒爭擁水邊轅
公餘聊赴名山約敢曰登臨大雅存

南華吟

賀雲官

南華羨且都白雲助其妍有堂華之麓
青山得隣焉

主人愛山好來抱白雲眠誅茆結幽居
伐竹引遙泉身閒道自尊心遠境更偏
以茲人地勝過客來群仙我亦貪奇人
吟魂落華烟爲和南華吟華山然不然

文筆山歌

賀雲官

筆山卓立點空冥朝嵐暮烟墨鮮澄
一部春秋大文字花紅雲白寫丹青
主人舊是筆隱者築室其趾結硯盟
正有上泉瀉其腹天然硯水清一泓好
取長空作片紙乘輿特書黃庭經更欲
携君獨上華山巔大書天問問青天
否則岫嶺山災書鳥跡字青石赤長
不滅人間怪事不勝書書空不子將何如

止亭銘 小引

作亭於山之陽旁植以松名曰止亭聽過者之自止焉至感於亭之廢興則所見小矣為之銘曰

賀雲黻 補庵

動則行靜則止於此可測天地之終始

遊焦庵侍邑侯陳形對先生

賀雲黻

獨憐春去強支吾差喜追陪不鶴孤人經九折尋丘

壑地選三峰入畫圖林深日暖焦初展風靜鳥啼谷

應呼便欲寄身禪寺裏愛山誰得似公乎

宿高峰庵

尹起超

叠叠不知際雲連曲徑深蒼苔冷夜月綠水映僧心

雨過花含笑風來樹自吟逃禪堪借座彷彿寄書琴

讀書浮玉閣

賀日達 黃榆

結廬城市隱清趣勝山居亭小偏邀月簾間好著書

喚人花外鳥留客雨中蔬疑入韞川境塵心坐裡除

贈聲輪禪師

時往觀菩提泉過宿留題

龍科寶

樓閣門開自有時師林清景到方知殷殷留客茶初

熟處處安亭雨更宜鐘梵聽殘虛竹枕月欄倚遍笑

花枝我心欲飲菩提水明日登峯遠見斯

咏連理樹古柏禪師

樹在菩提泉邊師名德樹 龍科寶

橫豎天然接恰當架祖視世間無匠意根底有菩提

千嶂宜珍護一禽莫浪栖
慈雲今再出春色滿清溪
梅田洞
郭萬里 赤城

半着殘棋在神仙何處歸
此中長不夏冷翠撲人衣
梅田洞再韻
李浹發

何年仙篆入金門此地空
留丹竈溫石引暗泉鳴地
軸竅通斜日見天根是誰
力鑿開虛室爲愛幽尋轉
曲轅與客看山多逸興低
徊殘局至今存

尚山讀易同弟小心小白各成一首

李小管

古寺野花紅深林溪水白
山空一鳥鳴倚竹看周易

前題

李小心

山深不見人讀易松陰下
盡日有花香不知開與謝

前題

李小白

一燈同夜禪讀易經春夏
明月上幽窟鐘聲驚我乍

玉峽

龍大經

峽口泉聲細中間小有天
奇花相對出開闢是何年

宿浮玉閣

李威

清江高閣起孤洲一水中
分萬里流兩岸人家雞犬
靜月明溪夜有行舟

謁四相祠

李紹堯

三朝四相有遺祠。嘆息焚香再拜之。荒徑苔深人去後。畫樑塵落燕歸時。

題尚山斷雲禪師靜室

李斗 石雲

峯影入柴門。泉聲通古樹。但聞花發香。不見開花處。

梅田洞次韻

金映

臨水向山亦多門。欲尋仙客話寒溫。曾無化鶴來天上。空有懸珠照石根。流日奇花迷去路。側身幽竇緩歸轅。蒼苔古洞難圖畫。摩訶詩中畫自存。

假宿陸蓮庵與老僧挑燈話舊 賀善來

三十年來事已非。何期托足款禪扉。卽今法鼓陸蓮

震猶是禾山舊蓋衣

禾山龍門溪

黃扉

山轉溪聲急。草頭露濕衣。莫言僧寺遠。日暮有人歸。

飲浮玉洲

鄒德溥

中江立石盤。騁望暮憑欄。霄擢金人聳。足浮玉柱寒。波光下樹杪。岫色五雲端。把酒豪無極。臨風欲振翰。

梅溪洞

龍科寶

奇峯拔地起。動步變青蒼。十里空人境。三門敞石堂。溪遊明晝火。暑臥冷秋霜。道骨予何有。殘棋引興長。

東閣

龍科寶

小閣小亭園向城似遠村鐘聲多在水柳色半迎門
虛室靡潭影高禪寓酒樽軒窓憑夕照靜聽渡人喧
同江素乘蔭南陳景蘇治畧履九江其章越山
武繼劉旦南沈子芬遊碧波巖
碧波勝絕舊知聞逸興橫飛隴上雲輒向東華山脚
發根從北斗嶺頭分將儔命侶青鞵蹋弄水攀崖白
日曛自幸氛埃平脫落金壇玉洞與仙群

石門

張士琦

秀巘逼冥峯叢薄隱細路岸側坡更欹筍輿莫能度
層疊盡弗鬱支筇強奔赴雲梯力攀援惴惴慮僵仆
須臾面屏山途窮疑此住突前山忽裂殘徑特透露
云是石門關天劃神呵護青雲削芙蓉碧嶂冒烟霧
正如長康蔗逾入得佳趣迥俯衆培塿龍跽虎俱臥
巨力非五丁混沌實膠固

瀑布泉

張士琦

義山深長磅礴數百里中有名巖秀出稱碧波山坳
古澗千仞忽壁立瀑泉一道衝激成懸河素練天邊
風日相擊搏玉虬雲外牙爪紛婆娑大珠小珠觸石
皆迸落迷離亂眼跳擲龍騰梭化魚潭淺泛溢出橋
柱雙師拱護百寶輝橐駝初聞殷雷隱隱南山側須

巽劈空狂吼驚靈鼉趵突三泉歷城應退舍虞山拂
水隱現生蹉跎唯有匡廬挂流三百尺未知開先噴
壑視此當如何

登碧波巖

張士琦

碧波之巖鬱茗嶠翠崖朱棧摩層霄嶺從北斗獨抽
幹峯偕雙吳相連鑣山骨鱗皴掃空碧去天一握堪
回杓袞軒馭鶴差行漫霓衣風馬紛翩飄或迺方蓬
逐鼇背彩虹幻出長天潯餐瓊却粒得輕舉此中合
置惟松喬我生頑固瑟在柱瓠落不異五石瓢濟勝
疇昔苦無具穿林涉澗須乘躋何向石級險且滑竿

确齧足攀藤條脚力蹒跚強騰踔心魂實逐旌旃搖
回厓沓嶂轉愈出數武一息空山腰良久亦復到巖
頂不覺倦眼羅清蕭四盼神傾意俱豁重巒疊嶂境
絕超怪樹千林猛獸搏瀑泉萬夥珍玕跳隱隱方寸
森五嶽精神凜雪離湫囂羊角清冷隔雲氣控地欲
嗤鳩與蜩外物外生始朝徹櫻寧大道聞叅寥那怪
龍蛇走絕壁飛仙千載懸招邀鹵莽題詞附真字雅
塗媿辱英瓊瑤

正月十日遊梅田洞

張士琦

平蕪萃立梅田山三峯筆柱珊瑚架玉虛之洞空其

中玲瓏神剡叅元化噴雲泄霧無盡藏珠箔金牕疑
不夜百巧雕鏤映發奇陸離應接真何暇洞口花開
勝武陵擘空天罅森高樓啞啞笑言四山應橐橐履
屐萬馬騰遂入莫窮窅與奧屈注谿徑尤非恒窈冥
列炬苦艱澁心悸或訝鬼物憑相傳有符藏玳寶開
元天子恣搜討綠字丹書不可尋銀繩玉檢空祠禱
清音故便緱氏笙山果不羨安期棗浣得襟氣冰雪
清着處仙禽共靈草我來此邦歲再夏省攢手棘尾
欲頰好趁春頭快行樂竹輿咿軋蹄痕輕羣賢少長
席茵坐長餅巨榼飛籌觥探幽肯畏霧露濕仙源應

復通大瀛吾鄉古洞數林屋入門逼仄身蟻伏孰如
廣谷豁然開今古恬心瑩人目合壁斜紫左寶仙一
例冬溫夏忘燠上有雙童虛講書他日無妨再三瀆

九月遊梅田洞次張明府韻

李

紱

穆堂

梅田萬石何離奇攢簇劍鏘森戟架巨靈擘蹴夸娥
着孰向古初窮造化蔽虧日月隱光明開闢地天分
晝夜三年夢想今一慰目僦耳傭驚不暇陽崖陰隧
相臨陵羊指玉理黃金陵夾持雙火照重暗直排阨
塞窺崩騰幽龕回互一何駭蘭臺少室剡嵩恒蝙蝠
撲人風漠漠鍾乳接地雲馮馮得名傳自唐天寶當

日神山事幽討漫遣張均索妙符真仙不愛金龍禱
暗池紅水搵丹砂絕壁明珠挂火棗璿宮上藥自珍
秘肯許人間紛草草山容不共歲月更苔衣猶碧石
猶頰自慚靈運心多雜未信長源骨獨輕瓊漿石髓
交流滿錯愕不敢携一觥金華塵土亦荒穢玉堂那
得齊蓬瀛便擬此中結茅屋謝却雄飛守雌伏遊許
還丹養道心莫教弄墨觀除目洞裏有花記冬夏世
外無因問涼燠一章狂記洞中人怪爾凡夫輒相瀆
午日宿大士閣卽事
劉作樑

勞生未息欲焉棲結願空王近一溪雲影水光天上
下晨鐘暮鼓月東西滿林僧語授機寂依渚客帆落
影低松竹露深涼意足霽光更與蚤霞齊

龍溪

李紱

大小靈湫鴈宕遠仙宮空說九龍潭我生好事愛丘
壑剖鑿鴻濛闕渾涵秋山一溪最奇絕回回山足青
於藍涼氣冰人噴空薄青山忽倏風雨酣日光破碎
寒炯炯巖花蕭撼陰氤氳危石半道挿空起蠓山崒
峩堆蛭蚰殷地崩雷玉蛟走千尋飛瀑凌珠龕縱橫
垠堦怵俯仰坼裂吳楚搖東南古老傳聞有龍伏抑
闕掩蔽不可驟斷崖彷彿瓜擘蹴腥涎想像須鬢鬚

餘霞映出光景抱珠熟睡疇敢探幽靈秘異故不
乏沈牛禱旱驚街談從來神物有變化人生對此內
發慚三年夔屈寄禾水知我媿負劉尹悵竭來携手
訪蛟室如饒得飽一肉甘致身福地我所羨饑驅不
暇臥烟嵐却對龍溪再三歎千頭安得木奴柑

魯公字

李綬

平原垂勁節柔翰識心傳正直神丁守精靈鬼斧鐫
摹嘆肥轉六鈎惜笨相懸化劍虛求水亾珠忽在淵
猶應奔抉不能直欲踰天掃壁悲陳迹臨池感昔賢
漏痕青蘚滅釵脚紫藤纏與廢誰當測高低孰與還

陳倉泥半落鄒嶧火靜然不畏驚雷妒搥崖紙搨干

琴亭歌興

邑令朱懷棧

雨歇灘頭渡霞收磬上杉亂峯撐碧落衆壑講黃昏
危坐憐花夢孤吟想月魂祇宜吹玉笛那解倒金樽
永新灘聞鷓鴣

朱懷棧

山僻少人家聲聲度淺沙分明悲阮路恍若勸張槎
竹鎖雲千嶺蘆環水一涯漫勞呼喚恁不日整歸車

礬山早行

朱懷棧

宿霧霾林麓山高日出遲草根塗虎印樹杪罨蛛絲
雨後全添水春深尚冷颼多情輸百鳥一路譜新詞

朱陵古仙窟地軸頓炎鄙積想開層雲距茲數百里
秋山小南嶽磅礴壓承水七十一奇峯虵龍爭伏起
仙令飛鳥來蒿目營四履政勤不得游夢斷青蒼裏
無端忽接閒挈我凌清峙絕壁夾深溪緣逕僅盈咫
枝條千百分坡陀散刻窳宵冥一氣含豈復辨彼此
谷延以濛濛石裂何齒齒霧露無時休風日偶然美
草木不知名亂花雜紅紫溪光奔白虹連蜷掠沙觜
過橋得蘭畝小憩新屐喜清興轉勃發欲撓不可已
既遠黃塵汗寧爲丹崖滓林巒獻異色瑳璨入斜晷

松檜發清音箏籟滌尺耳山靈待來者古人亦往矣
奇勝躬歷難一一僊遙指其餘小洞壑棄若粟有秕
土竈煮泉脚玉肪斫地骨綢繆逆旅舍寂寞空門子
微燈夜來發默視對相倚暮鼓碾晴雷悚息疑喪七
乃知身世外頗具清淨旨欄踈星滿屋窓寒月盈紙
嗒然吾喪我靜隱南郭几太息方術愚覆車何比比
射魚三神山上藥求不死

倚天湖九言

湖在山頂

李紱

吾聞具區三萬六千頃七十二峯縹緲稱絕高其下
金庭玉柱林屋洞洞中往往頂上聞波濤頗疑造化

小兒好好事穿穴湖底不得容鯨鼇今觀倚天之湖
更奇絕鑿痛青山肩脊誰抑搔濁浪三尺夜捲琉璃
屋微波十里晴暴銀絲縹樵蕪路絕漁者亦莫往惟
見危柯接飲垂猿猱天淵上下相去只一握驚怪陵
襄山懷天欲滔安得太華峯頭玉井藕掘取作船汎
之亦是豪便擬直溯天河犯牛斗何必飄飄乘風生
羽毛

尋三相故址

李紱

芸生九土分黎烝惟有豪傑流聲稱徃徃鄉相起屬
簞沒沒誰知粥飯僧台鼎綸扉不易登禾山三相良

足矜姚公事業古寂丞才大難偶人頗憎臨事敏決
無葛藤開元盛治實倚憑奇章文采道未弘中間波
激何稜嶒太平無象孰與徵百年朋黨弊相承那信
前身忽代興楚公殊不相因仍舊堂蕪滅漫坡塍空
山俯仰思情騰古來才者互憑陵當時姚張不相能
牛李交饑誰鴟鵂文安北使蒙青蠅雲蒸龍變偶一
乘四海要當攬轡澄不見奇節如滂膺安問人間炭
與冰

秋山挹爽圖

李紱

七十一峯小南嶽吾鄉鉅麗誇秋山朝陰夕暉態無

定拱揖衙舍相廻環清河佳令神仙客手板朝朝對
清碧傳聞乖厓分太華何似此中君獨得我來老盡
秋山秋颯然餘爽豁兩眸湘簾半捲翡翠入清尊不
動瑠璃浮使君政成山亦喜滿貯烟雲潑螺子千秋
萬歲訪勝事應問秋山誰重汝

秋山拈花庵中秋

龍科寶

秋山每夜滿情思及到登樓又最宜月爲我明雲不
妬松隨琴轉席頻移谷風侵袂眠僧早鄰寺聞鐘過
澗遲一曲陽春還獨酌竟亾促織送聲悲

牙山卽景

賀貽孫

閒從竹院禮瞿曇數點螢燈照祖龕花底聲聞鸚鵡
懺雨中跣生老龍忝曾經捏鼻人知痛恰遇點頭石
欲談羅漢歸來僧漸去忙予早唱望江南

禾山古松歌

賀貽孫

古松屢經人天護霜雪斧斤兩不妬懸蘿挂薜當風
立耳根謾謾青龍怒禾山之側水如雷水聲松聲夜
相催巢鶴胎成已千歲仙人騏驎去復來我若把酒
弄松月鶴唳仙樂逐徘徊松邊枯樹剝其腹穿雲漏
月與天矚腹中老猿騰樹顛臂繞蛇藤盤空曲不知
春從可處生蔕寒獨放一枝綠此樹煙中真絕奇與

松結如無窮期百花紅時猶堪傲青青豈待歲寒知
當年辛苦何人種歷徧繁華無處用輪扁過此應脚
蹠閒看松間鶴影動

喜禾山一燈集成

賀稗恭

選佛場開聽曉鐘誰辨禾峯與義峯義峯蜿蜒幾萬
重遠接禾峯地軸通五宗聳峙立華嵩俯視羣峰兒
孫從何年法鼓聲逢逢成音復振舊家風一燈遙懸
紫氣籠靈光映照琉璃宮不須買山問支公風雨一
笠任西東義嶺層層白雲封利竿百尺挂長虹枯木
寒窩步從容古德一席共朝宗禾山面目非朦朧七

十一峯指掌中

寓禾山最深處

賀

是

地菴

石脉寒泉春透露蘿陰處雪月勾留苔錢滿地無人
用付與閒花野草收

登五老峯

賀

是

五老峯臨天外天我來崛起一峯然白雲將我和峯
裏不見紅塵萬井烟

石柳

諸景在柳田洞

李

綬

出地亭亭便十圍籠煙拖霧不勝垂金城節使休相
訝未要春風借力吹

卽教鳥壓枝猶勁縱遣風搖葉亦齊寂寞誰知千載
意只今輕薄號高飛

核楊一
名高飛

石龍

李紱

泥蟠局踏冷雲隈吟向秋風憂玉哀天帝謫來爲守
藏不容易起風雷

石鼓

李紱

吳郡叩聲煩擊考周京留篆費摩挲渾金璞玉惟君
爾虛響浮文奈汝何

石碁枰

李紱

楸玉枰虛罷合圍年來冷暖更誰知長安國手爭先

著看到空山下子遲

殘局何年擲此間不勞尋角與衝關真人勝負原無
用白鶴松陰盡日閒

石田

李紱

耘芝飼鶴種靈苗碧玉花時未寂寥自是世人輕棄
擲教將無用作逍遙

石池

李紱

列炬幽宮渡冷泉碧光紅影兩娟妍心知不是仇池
穴猶想潛通小有天

石屏

李紱

知費亦二幾運斤不緣局脚感斯文蓮花七寶尋常
事且向深山臥白雲

石羅漢

李紱

珠簪螺髻老荒烟繞座蘆芽剝遍穿只道此公難解
脫不知面壁要多年

○井連硃墨

洪山之頂有兩井相連其水色紅黑各異

朱懷棧

洪山頂上兩泉殊色判丹砂並綠珠大塊生成讀書
地一邊潑墨一研硃

禾山吟

賀朝柱榮后

禾山距我三十里我猶未距山一咫朝朝山雲繚

端夜交山鼓闐阒耳禾天杉樹幾千株拂地嘉禾幾
萬秭義虎不譚鉢金蛇曾渡橋邊水鳳巢古塔
炫陸離露滴松梢甘如旨倚天一劍插長空七十一
峯供指使幾回有客邀我遊我笑遊山不爾爾君不
見蕭氏子甘爲吏隱藏厥美仁旣渥兮智亦深一聞
鶩語悟禪理道成乘鶩歸皇雩錫卓清泉甘且泚數
百年後垂芳聲御筆題詩親賜璽又不見賀氏女口
誦圓覺翻杜宇有子登第判賀州導慈誨廉養其耻
他日貌座現庭中端然跏趺手西指罷守范公探神
奇瞬目傳神動仰止吁嗟乎禾山何處不丈夫幾見

丈夫才，如此卽今爲語遊山人好向禾山識取鳳雛
與虎子

禾山燈

蕭若麗 去浮

人傳燈是火此獨結蓮花五老迎風燦雙童映月華
脂膏凝寸藥光燄透三車解得西來意峰雲何處遮

遊禾山

賀稗茂 晋臣

春深雨乍霽乘興過龍門奇奇添新葉山山滴翠痕
危橋尋鳥道怪石繫雲根爲愛平原跡藤蘿未敢捫

羅漢洞

釋實鑑 輝山

洞宇何年闢高僧隱化蹤苔痕頻印履錫影徧懸松

風奏空山梵濤敲石壁鐘莫言台宕遠几杖露斯峯

秋日登永新城

邑庠東里
燕溪人 周嘉謀 佐公

山壓孤城草樹荒西風塵起獨徬徨蕭條遺構重燒
毀憔悴餘民半殺傷驛傳共疑星使杳角聲空引鴈
愁長書生徃徃談經濟攬轡澄清台有方

礪山紀遊次劉瀘瀟韻

周文魁 鳳竹

抱病荒原秋色晚臥看飛葉沒空冥千尋布水崩天
壁丈六金身敞翠屏饑鳥深林喧野果老僧寒榻手
殘經密持半偈清塵臆風竹窓前盡日聽

題王節婦卷

周文魁

王孫何處去，洒淚讀柏舟。機杼人間世，沾危水上漚。
孤鴻來楚塞，涼月照江樓。難作寒窓夢，空林夜夜秋。

題伍烈婦冊

周文魁

夫壻美少年，謁帝奏甘泉。妾謂良得意，冠蓋且翩翩。
何知冲風起，桃李空鮮妍。流水趨大壑，六龍頽西巔。
羽翼中道摧，孤鸞焉自全。關山皎明月，長安何處邊。
魂兮歸故鄉，池水清且漣。合作雙鴛鴦，池上共回還。

東山野望

釋成繪

素庵

搔首東郊上，乾坤一望中。地從日落盡，山到海邊空。
鳥斷飛霞路，烟籠栖鶴松。牧童鳴篴處，奇映夕陽紅。

香龍紫殿以岷篇後

張士琦

感深懷袖思，何窮巖畔雲。飛極望空不，獨社悲關至。
性本來荻畫，是家風。

孝友君家舊，所傳蘭堦濟。濟列鴛肩，卽看陟岷情。無
極合是靈椿樂大年。

題龍節母茹蘖圖兼勗令子榮向

張士琦

烈節奇靈印，血磚賦詩題。額日星懸蘭芬玉，潔傳家
法。冰冷霜清嗣，後賢誓日果然如。皎日問年已，是待
旌年蜀陳茹蘖將何報，寄語兒曹合悚然。

送哀昌先生輟講歸文江歌

賀 雍

文山祠前禾水遶禾水禾山青未了源頭直與鑑湖
通扁舟湖上發清曉文江羨人三益友舉我行觴執
我手問我行當歸去來君當於我有言否愚性由來
懶詩篇况逢離別心怵然雄談又非曹七步那能倚
馬贈人言方今六合同車書滄海茫茫多遺珠杓水
椀茶君莫惜伏盃蹴畜我心悲我心悲今君莫悵陶
潛杜甫豈鄉相比山移文不足誦東山高臥蒼生重
君年適與我相當我才不及君才長君今學問爲人
師人生便是穎脫囊古來賢俊皆浪遊囊空豈足爲

君愁江漢清澄似石象身還是黑貂裘君今歸去
事何如今年菊對去年籬日暮齊眉供舉案還聽雞
鳴問綵幃明年二月桃花開又是江湖入夢來試把
多情看燕子舊梁泥點新葺苔我從小厭青衫十
年心苦佩龍泉羸馬難行朝路冷蠹魚慣走夜燈前
握手與君嬉相逢愛君不入利名籠別意謾道流水
空霜葉欲染醉顏紅險語琳琅絳西風安得大紙如
窓篷

題竹亭清隱爲潮溥作

賀 雍

仙翁脫骨委原冥孟宗一念常惺惺却憶阮江與湘

水綠院區地遠思亭主人極愛亭中好拚閑來伴此
君老時時展誦蓼莪篇首繫華陽身素縞起從詩夜
奏商宮萬籟無聲月當空曉來看宇清露滴猶似灑
淚泣春風春風酒淚不須落籜龍今已奮頭角何當
截作伶倫管持向虞廷叶韶樂

禾山金牛歌

邑宰環
濟人

尹是琇

昔受法王約龍門當鎖鑰鎮日犁雨并耰雲吐納烟
霞與大壑古自若今自若生來鼻孔本撩天何用人
間牽牛索

龍溪倚天湖

尹是琇

萬丈龍溪沁骨寒天涉絕頂湧波瀾雲錯風扇釀靈
雨永作人間甘露餐

楚歸過東門渡有感

陳宏圖

路入城濠轉北關六年重復見華山潭邊水落龍安
在塔頂風頽鳥倦還舟子喧呼迎渡下醉人睥睨滿
沙間誰知白髮蕭蕭者天下窮民第一鰥

龍溪殘局

尹是琇

自從布此局柯爛幾曾收不識誰先着莫由贊一籌
兩持終未決竟守亦多謀曠覽人間世與亾何日休
登上水林文昌閣眺望怡懷

尹是琇

不道市屋裏悠然別有天林深和霧隱山靜抱雲眠
止水澄明鏡危樓俯大川琴書不借座幽意足流連

明府黎媿魯先新築春星草堂率賦呈贈四首

貢生 賀穉圭 壽男

朝見使君出花鳥引行車暮隨使君入花鳥閒有餘
琴心靜如水文文史雜簿書清夢渾無累春星照四隅
誰能入此室皓月與清風悠然生虛白開軒若爲容
惟持嚴冷意樂與古人同鶴糧剩幾日馴舞向芳叢
春城風日暖層軒次第開百花香裡坐無數蜂聲來
蜂花兩相逐冰心渾無猜政閒物自樂煮茗把詩裁

盡日無塵到淡遠見山顏徘徊清池側魚戲水萍間
爲愛草堂青遙知烟市閒酒旗月初上醉歌任往還

登浮玉閣

賀穉圭 孚尹

携輿登浮玉高樓一望賒江臨雞犬岍人共鸛鳧家
野渡汎紅葉中流湧白沙山僧鐘磬罷招客煮新茶

望秋山用唐人韻

賀穉圭

縹緲空橫翠高峯但出雲鳥從望裡滅瀑到山腰分
黯黯松烟合踈踈鴈鶩群晴光如画景湖水接秋雲
禾水三章爲炎陵節婦李孺人賦

賀吳生

禾之水浸白石矣士與女不苟活矣聚歛魂魄維其
賢矣彼其之子邦之媛矣湖南徂西于新田矣于彼
新田爰得我便矣

袍陂有潭羊埤有波其波伊何莊烈之車風之朝月
之夜維彼賢媛相從其上下

維原有須政亦有娣豈惟娣兮毋則爾兮節俠同流
何其潔兮我思古人其揆一兮

大水登圓通寺閣

賀吳生

高閣依空際憑欄得遠望梵鐘聲兩岸客語水中央
花雨淨無著天風逆自香狂流知避處願力果成長

磬山江夜

賀吳生

秋意夜方淡霜濃葉自刪怨多鴻乍斷夢醒蝶初還
月散千林竹江寒半面山愁來干戈外悵望是前灣

題梅田洞

劉元珍

義巒千峯峭天繪不能譜派別自南衡雲表翔鼓舞
中落截業支幻變堆瓊瑤疑是補天墜蹲踞若龍虎
又如諸孫列偃伏朝宗祖亦似甲馬騰雄陣來接武
峩峩莫廣畦環開諸天府大竅洩元氣小孔存樸魯
蒙茸爬毛膚巔危顛骨古角瞳藏寶符探策靈樞吐
瀆瀑流玉局茶置成妙矩海土安期生尋幽至南土

雙丸出，日月玲瓏坐。堂廡有時駕鶴游，羣仙聚揮塵。
野樵觀奕罷，腰柯成爛腐。遙指白雲去，天路踏南睹。
願隨採藥苓，遺俗歸玄圃。

題東潭

劉元珍

石磯栖隱玉樓東，千尺碧潭灌晚虹。天外海雲清正
湧，酣歌何處伴漁翁。

元巖

劉元珍

溪山來往無朝暮，石磴參差滿紫霧。采藥不知僊子
處，年年巖上松花吐。

資福寺同子翼叔題壁

賀吳生

閒掃空山石靜看，秋色澄松風入夢。客雲影出林僧
時有中天月來供，午夜燈清涼隨處。適卽此是叅乘
重遊禾山寺訪鄢無識劉木生 賀吳生

爲愛舊遊地，依怙萬壑淙烟中。高下寺雲外，兩三鐘
期阻春前約，別憐雨夜蹤。雙童新月吐，又上寺門松。
過梅田洞逢僧茶話 賀吳生

怪石何時鑿，嘉名自昔傳。鍊餘媧氏跡，停却祖龍鞭。
翠巘凝寒溼，清泉過雨涓。試看陵谷變，石髓落還懸。
春別浮玉閣僧人 賀吳生

霧縠明曉望，移鷁途正及。雨迷離一聲山，磬尋烟

入兩岸江花覓渡遲
維素情聯兄與弟
金蘭語合傷和詩
辭君卻向紅塵去
又看蓮生濁水時

遊碧波巖遇雪追步先孝廉府君韵四首

賀是坦

即坦
菴

峰迴疑路斷去去復猿聲
天險藏巖秀雪乾助瀑晴
佛頭蒼蘚活屋瓦翠微明
勝蹟千年在登臨兩世情
山深寒氣重老木健風聲
忽撤高巖雪微分下界晴
臨危心獨壯眺遠眼俱明
遊侶皆狂達能無中阻情
高巖容坐肅笙鶴若憚聲
雪意收寒照雲霞映晚晴
絳霄行欲近碧海望還明
將駕長風去松喬待我情

有待縛邪住還我仗才聲
占山同佛老讀易共僧睛
室可依巖淺窓宜傍水明
煩君爲位置慰我百年情

浮玉閣賦

庠生

陳偉言

衍黃

江漢浮浮溫其如玉約之閣
閣洵訏且樂招招舟子
左右流之山川悠遠我其收之
於焉翱翔淮有三洲振鷺于飛
旨酒思柔百川沸騰不留不處
定之方中纘禹之緒

遊梅洞賦

陳偉言

維石巖巖夏屋渠渠載馳載驅
君子之車無冬無夏以陰以雨
笑言晏晏闕如虢虎

瓊瑰玉佩其會如林元龜象齒實獲我心
如彼流泉如鼓瑟琴鼓鐘欽欽笙磬同音
迺左迺右童子佩觿載寢之牀美人之貽

三壽作朋永錫難老吁嗟乎牛羊腓字之弗洒弗掃

龍湖漁者行

賀是坦

禾陽之北有勝地曰龍湖龍湖山幽而水秀
中有逸人散髮徜徉蓋漢高之苗裔名燦字
大房余以其人有古隱君子風乍與之狎呼
曰浪翁夫浪固莫余甚也浪跡漁樵浪遊山
澤浪醉浪吟浪笑浪啼浪行浪止夫浪固莫
余甚也世亦莫知余之所以浪而余且浪以
知希自貴及余浪遊湖上與浪翁遇而浪翁
知余甚余自知夫余固未嘗浪得浮名而浪
翁與余又非故舊則浪翁之知余亦甚難耳
作龍湖漁者行以贈之

龍湖之山山蒼蒼松林蘭舉煙微茫龍湖之水水深
深觸石如語如鳴琴中多龍蛇不可測虎豹麋鹿紛
相得更更有幽人把釣竿掩映湖光與山色山根湖畔
一橫艇其中應是漁人家何處一聲棹歌發喚起洲
前蘆荻花余亦煙波一釣徒扁舟乘風自五湖與君
相賞不相識與君邂逅成長圖君不見瀟湘漁父歌
濯足有客行吟抱幽獨君今鼓枻何髣髴余也顛顛
骨相續又不見武陵漁子桃花春冥搜悄見洞裏人
君今曾不越漁磯坐對余也作辟秦余聞稅不到魚
蝦此中一往足生涯釣罷便飲飲便歌晨風夜雨任

橫金惜余五嶽逐雲煙不得從君長起眠君能它日
禁愁思應寄招我歸來篇

○登樓

賀是坦

危樓天半倚斜曛遠樹芊眠起暮雲殘雪青山征白
鳥斷橋歸袖點黃昏王郎偶寄徂星火劉表豈能作
主人滯跡流年非我志朔風吹淚獨傷神

爲邑侯張天申老師題秋山挹爽圖

賀是坦

南方之山宗衡山茲地秋山與之頡七十二峯峰等
夷倚天且與祝融埒諸峯四皆翠欲流煙銷嵐淨更

宜秋使君臥理琴堂曉西來爽氣望中收收盡山光
併秋色不澹不濃描不得輦下何人寫以圖當今妙
有倪黃墨墨妙妙能繪曉風山光一洗發圖中圖耶
山耶秋一色畫工之巧奪化工化工畫工清無極清
境長在使君側舊是此山打鼓人再來相賞還相識
相識相賞不模糊人在琴堂山在圖一皆大名驚海
內諸公題跋夫豈徒

禾山八景歌

劉世衢

石廊幽幻殿靈區瓊樓鬼斧雕構櫺南華龕上置鼎
爐丹成白日飛綵繡仙人一去遺雙鳧菩提香水色

如硃涓滴灌頂是醍醐一線入江淨不污碧波秀挺
蒼崖孤無心昌老挂葫蘆空中留筆字可模元陽人
境一蓬壺石上仙杏老扶蘇梅洞三山插平蕪神室
丹房耀火珠開元天子索寶符寂寂但聞猿鳥呼阿
育江中立浮圖澄潭倒影數猶鬚登之股戰目駭肝
龍溪鐵畫石壁鋪作鎮秋山壓雄都

金峯高

劉世衢

金峯高巍巍孤立插雲霄誰與嵩華爭
翠嶽割取蓬萊作茗堯萬年山中雙開石
扇絕磴盤迴三村隱見飛泉直下響砵
砰激蕩天風溷太清千巖秀色白

靄紅霞紫霧面前生我欲窮浩渺飛越
不得愁猿鳥瓊臺玉柱列儼然空山何
人拾瑤草瑤草茸茸鶴影鹿蹤龍杖遙
歷翠微幾重穿翠微凌突兀吹徹一聲
洞簫寒仙聖徃來如恍忽振衣千仞上
注目俯人寰青烟數點紛相逐始信金
峯之高高莫攀

望禾山

龍體剛

門對秋山四十年于今山色認周全雲
根五老眠空翠樹杪雙童立古泉寺
寺晴開千疊錦峯峯晚抹一痕烟會
當浴日紅霞裏頂上平湖別有天

忠義潭

陳智言

八姓勤王事不成袍溪灑灑塋簪纓至今流出潭中
水還與文江一漾清

龍池蒸霧

邑庠 陳方準 鶴鳴

大洪派衍崑崙乳山下靈湫辟寒冱構結草堂面山
凹冬朝時裊紫黃霧變化離奇難狀名蜃樓海市在
指顧陰之精兮陽之凝摩盪陰陽一氣佈沸沸烈熱
消重霜煦煦融膏散積露豈是炊煙飛故城鴻濛混
沌尔鉤鑄虎豹遜藏生清風蛟龍游戲養甘雨池上
行人多眼花往來應愁不識路

南華雨過

陳方準

南華萃嶽神仙宮拔地峻岫摩蒼穹俯視雙童踏五
馬坡陀誰敢誇英雄忽然霖霖層嶺混沌猶未開
鴻蒙狂飈一陣收雨絲洗清面日添菁蔥玉筍蒼苔
濯蜀錦丹爐紫氣飛霓虹正如羨人脫脂粉淡掃蛾
眉出簾櫳雲林得意恐難畫妙處還須造化工百尺
樓頭送遠日飄飄直欲乘天風

春風堂

邑令 王 瀚 桂軒

鶴夢初酣午漏長月池綠漲荻芽香捲簾遠樹乘春
入出岫行雲爲雨忙抱簿吏人寒共慄狎鷗童子漠
相忘彈琴閉戶不知暮單父何曾自下堂

岳忠武王遺像

陳方學

像留西門城堞王征楊么凱旋過此謂殺方門宜低更之故刻像於石崇禎丁丑楚寇圍城夜見有披甲馳驅於城堞者賊隨敗去僉云王之靈也

岳軍難撼比山銳旗鼓所向甲兵曳最奇八日平湖
湘據江楊么委波逃當年帷帟誰叅謀余祖膺榜抱
奇計凱旋振旅禾川來軍事勤勞半途斃公命禮塋
環溪濱黃獮佳城玉骨瘞厥子拜辭細柳營廬墓大
衍各支系吁嗟公去十年功三字獄成古今涕早知
歸馬秋山陽南華北斗攬佳麗後有明哲韓蘄王急
流勇退鏡湖憇乃公魂魄戀此邦楚寇西來隱護衛

英姿颯爽見樓頭保障黎民戎馬離當年遺像留女
墻祇為城門報公惠豈知片石神不磨還能揮戈殄
災沴千秋人泣峴山碑獨余淚多濕衣袂

劉貞女歌

劉世衢

竹哭梅啼恻不昕陽春杳杳雪霜紛阿誰克秉歲寒
節應教鬢眉愧釵裙有女有女出祿閣雙親幼喪無
手足盡屏恰得中雀人許纓旋復傷埋玉無計韓朋
塚鴛鴦禮不成婦甘未亾一心辨作嚴家鬼徹環毀
瑱被編裳我將貞心比月潔纔及三五圓又缺我將
貞骨比石堅有時廉角虧不全旦旦山河勢莫移幽

懷期與泉不知三百篇中肆纂組別調突過柏舟詩
况復劬勞念父母若敖之祀計長久姑老旨甘具昏
晨繼絕百圖爲主後兩姓重任一身擔烈烈幹濟等
奇男漫待太史如刀筆藉甚清聲播街談世上頽風
日波靡滔流何恃立中砥綱常不墜在千秋莫道補
天非女子

○登鷲山絕頂

陳方申

纔說登臨便是仙扶藜屈曲到山巔逍遙絳闕無多
路睥睨紅塵幾點烟萬卷書中探豹畧三生石上試
龍泉相將砥柱雲霄外岸起東南半壁天

霜鐘來遠寺爽籟一聲秋佛度三千界人惺百尺樓
涼風吹戶牖斜月上簾鉞洗淨塵勞夢浮生等贅疣

贈百四歲翁馬羽日

陳智言

猶於懷廟見遺民百歲周迴又四春絳縣從今輪甲
子黃剋何事守庚申尋花杖惡青藜緩醉月歌鬪白
雪新鶴髮盈堂孫又祖相看取次表絲綸

○清風夕釣

陳智言

簑笠溪亭晚投竿釣月明不辭三夜餌寧羨五侯鯖
北斗春星燦東山暮鼓鳴題橋人在否江上自風清

永新縣志

藝文卷十 詩

五十九

殷地雷崩峽懸崖玉布虹瀑飛千尺
雪人立五更風
選勝尊姚相品題重魯公
我來誰譙舊五老與雙童
丁未中秋同李品韓張昂西諸子小集浮玉閣
賦得近水樓臺先得月卽席限韻

陳智言

下界林陰次第明
上方樓閣十分清
嬌娥未必垂私
照河伯由來送夜晴
兩岍管絃猶寂寂
四筵歡笑已
盈盈豈知無限傷
心事正向秋輪早處生

立孤難爲節母耿太君作

劉世衢

立孤難陳家有母
鐵心肝廿六年中
鸞影單煒煒兩
雛方在抱
孀婦涕目幾曾乾
蓼可集茶可餐
歷盡桃李三月春
甘自青松守歲寒
傳家惟餘數卷書
課勤柳母手和丸
丸有香今膽却苦
鞠子憫今兩一般
立孤難令人聞此
起長歎古來社稷
臣獨恣一寸丹堅
貞貫金石滔水爲
迴瀾風雷並激烈
天地相際蟠只
今裙釵有奇傑
媿煞醜然傭衣冠
評出校史耑官載
口筆聖法觀矧復
九重降寵命峙矣
巍楔基盤盤百
世傳聞人興起
應作女中程嬰看
立孤難立孤難一
庭彩羽盡國華
當年流刷之力良
已殫

東山雜唱

陳善言

翠微深處畫難工
鷄犬桑麻若個中
萬古桃源今在望
相看只少一漁翁

空月疎林四面遮
橫通山徑杳無涯
春風要我長亭坐
閒看兒童摘野花

東山高臥待秋風
世事都歸一笑中
搔首問天天不語
白雲飛去伴飛鴻

橋頭日麗鳥聲幽
細草青青綠水悠
當日畫欄無倚處
清風颯颯一天秋

湖塘

國學
吳應麟
洲湖
生人

天開碧玉池湧出萬斛泉
二水抱芳洲一溪鎖寒烟
每愛皎月夜波涵明鏡
圓長堤欹臥柳峭石補苔蘚
俯瞰魚翻藻仰看飛戾天
不招洗耳客時來凌波仙
三冬煖氣蒸六月冷水淵
環繞千萬頃自古恃有年
源頭有活水長護蛟龍眠

浮玉洲踏青

李錫

日煖芳洲春艸生
東風隨意起閒行
狎鷗共戲江沙淺
時鳥爭啼峴柳晴
步屣却緣曲水引
樓臺正與好山迎
練衣挂石便成夢
落日城頭暮鼓鳴

宿止水林

邑令王瀚
桂軒

霜烟滿目夏陽津
梵呗無端喚駛輪
鹿夢醒時剛駐足
山靈別後又呈身
耐教百里迷龐統
肯使一年借寇恂
小榻坐忘鐘磬寂
生憎野鶴唳頻頻

梅田洞

仇監賀勗登于岸

理策窮幽境玄關
匙早開真符遺竅
寶靈氣結瑤臺
柯爛碁猶在珠懸
龍未回深山機事
少麋鹿不須猜
長至後一日永新
官署卽事偶成

廣西江世琳豆村
孝廉

南陸初迴羲和車
曉山晴翠橫林廬
三竿睡足東軒下
一數梅花九九圖
坐樹幽禽語不去
請益來叅童

子書西鄰御祖集
粉社小巫搥鼓隨
大巫花裙象笏
夜屨斗桂燎蘭旗
朝步虛明染蠲蒸
神饜享靈風皇
皇妖厲驅誰家
娶婦趨冬賽賓朋
雜沓歌吳歛凍壘
啓缶出葵爵乾腊
堆盤行鱸膾此地
年豐黍稷賤酒
漿淋漓好事俱顧
我羈棲歸未得彈
鋏豈必皆無魚
梁震要稱前進士
杜陵猶是舊狂夫
飲酒食肉饗且
羨弄墨枯毫憎可
吁荒學坐廢平生
業勤常不足懶
有餘緹室浮灰動
葭管金胥簇漏催
銅壺雙丸交馳
蟻旋磨百年此身
何慮無獨立闌干
延佇矚洞庭瀟

湘六一偶

春日遊梅田洞

孝廉

楊文焯

晴春緩步踏蒼烟
袖滿春風入洞天
轟石劈雲撐碧漢
靈巖漏日射清泉
棋殘一局空留子
龍臥多時總在田
最愛雙童長不老
自成峯頂古頑仙

過蕉林

楊文焯

探幽消午倦
曲逕入蕉林
立石同僧語
倚松聽鳥音
停雲橫法界
活水滌塵襟
半日逃禪客
囊添自在吟

遊禾山次邑侯張儀九韻

江士毅

遙聞選勝訪禾山
未得追陪盡所歡
好句當從峯頂讀
隨風珠玉洒林巒

碧波巖次劉非一內伯韻

江士毅

空際結樓臺
衆山咸伏謁
野花封石門
飛瀑挂天闕
谷靜鶴縱橫
雲開峯突兀
捫蘿步絕巔
坐定心猶惚

二水抱流

浮玉閣八景之一

江右臺

誰將東郭龍潭水
剪作雙江抱玉浮
異派同支流不盡
幾人會得活源頭

碧波瀑布泉

江右臺

義山有瀑布名與大匡齊
匹練從天降長河瀉月低
飛空翻雪浪流響破塵迷
最是清心處雨花滿石隄

忠義祠

監生 龍益寬 敦五

四海分明屬大元諸君何力挽乾坤綱常只欲留千古性命寧甘落九原每聽高筑輒入恨漫勞楚些去招魂卽今廟祀袍溪上祭酒隻雞未覺繁

讀書南華山

龍益襄

愛向名山叩石門匡郎玉笥舊衣痕幽窓檢帖兒分卷短策尋詩蟻滿樽徧地落花無客到半簾斜日有禽喧閒雲獨倚心俱遠手把南華日未昏

阿育塔

邑廩李朝陽

右筭如浮屠插漢臨絕險潭底蠹巨鰲幻化蜃樓忝蟻緣徑屈盤衣破尖刺剝風生雷殷鳴日照波光閃

龍臥雲陰陰電掣掀激灑童僕瞻傍屹立皴蒼臉獨徃試盤桓逼近象綿漸放眼千里遙吳楚青幾點

碧波巖

邑庠陳方旭

石門穿徑幽梯磴轉危側崎巖千尺懸天中開地塞瀑布掛長川金銀映日色聲響落澄潭雷轟杳難測香閣着隄牢轉曦逢峻特絡繹徃來人到此世緣草浮名虛絆羈欲休不可得悵望名山頭空成極樂園

秋山詩

舉人陳徒行

秋山小南嶽磅礴數百里奇峯七十一峯峰觸雲起五老居其巔雙童踞其趾羅列難爲名如翁抱孫子

下右龍門溪洪濤濺人耳銀河流清波萬丈落潭底
聲逐老龍飛勢驅罔象駛上有倚天湖風高水瀾瀾
涵星濯日月雲霄躍錦鯉春花繡山腰秋鳥織山嶺
大觀雄東南名山召僧止解鼓鳴澄源圓冠競宗旨
歲久藏跡狐精舍變軍壘快哉顏平原一炬遂已矣
墨寶鐫龍溪榻貴洛陽紙

族祖母尹氏新修龍安橋成志喜

舉人賀光

痲涉由來久誰憐道路難一朝磐石固千古臥龍安
令母多潛德虹橋改巨觀至今行後者不作望洋嘆

忠義潭

監生龍聯芳

高樹蟬聲正夕陽嘉禾城下水如湯殘疆瓦裂戰無
地八族心同死有鄉正氣幾人留宇宙匹夫亦自識
剛常卽今說着劉槃事鬼語啾啾入夜長

禾川八景

梅田洞

邑庠陳方準

蒼翠石鱗鱗突兀平田起玉虛東有門谿硃約數里
四壁銀粉裝琪樹散綺靡神珠夜吐光高懸石竇裏
仙去杳無踪碁殘着幾子合璧更駭人獅獰相對峙
倒垂蓮花蓋石燕飛不止安得寶籙存靜讀味其旨

碧波巖

陳方學

梅田驚峭拔碧巖路叁差山麓相盤互嵐氣交佈遮
松高石門闢天窄壁面斜瀑布從空落轟轟鼓雷車
上搖日馭側下絕纖魚蝦呂仙題嶢石綠苔帶紫霞
巖對梅田秀三峯聳石丫相看白雲起僧牽補袈裟

南華山

久聞南華山峰奇水亦別路轉通石門源深將徑折
落花流人間仙機頗漏洩玉笥蒼苔繡丹爐紫氣結
陰翳六月寒幽岕太始雪屐齒無謝公接踵逐誰轍
平生逸興多搜討必窮竭何惜馬蹄遙山靈笑人拙

阿育塔

陳方學

浮屠挿碧潭巍巍出石筍春夏龍雷驚遊覽足跡窘
茲來鳥道盤仰視一線引誰鑿欹石平仙橋峯頭賑
雲過日熒迷風來身疑墮仙人似可招天闕路靡盡
皎願阿育王鞭起潭下蜃直騎上青霄勿爲世人哂

秋山

孝廉陳攀元

秋山亘西北秀拔越尋常奇峯七十一南嶽宛相望
花鳥紛羅列雲霧時翱翔禾川山水窟對此失昂藏
尤愛龍門溪瀑布瀉河梁品題魯公字鐵畫耀銀光
傍有羅漢洞近爲虎豹房往遊未得遂焚驅又神傷

北山

貢生 質是培 莪士

我愛北山北層叠列平岡中有讀書臺姚相實啓疆
景洪燻厥址修葺構茅堂聰明疏水遠雙童講書長
八花開巖阿白雲裊上方紫霧久不作後隆名猶芳
登高一憑吊林木色蒼蒼麒麟蹲高塚秋風又夕陽
禾川多崇山四圍屹壁立一水繞城東浮玉亘流急
香閣峙嵬峩吞吐浪三汲爽氣義峯函烟光秋山襲
瀛洲銀榜懸咨諏所由及槐黃舉子忙桂香士雲集
祖餞來江干鯤化鵬飛習古制真良模聞之欲擊楫

浮玉洲

陳方舉

忠義潭

陳方舉

潭溪杳迷迷烈名無顯晦八姓勤王師身瘞萬丈內
紅日赤胆懸皓月素心對夜靜風霜寒朝昕雲靄隸
義山潰油幢旛岡旗靡熊魚蝦未敢藏蛟龍亦應退
當年倒戈時庸愚止自愛白骨今何存江流聲萬代

過七溪嶺

顧民畧

辟園

丈天志四方豈必邱樊老兩上七溪巔高與碧空掃
仰登梯亂石嘖嘖征夫惱不知身入雲止覺露濕袂
上看人如蟻下視樹如草羊腸棘雙足虎牙吁一撩
喘定清楚出小憇寬懷抱

讀書山中和李穆堂先生見寄元韻二首

顧民畧

爲厭塵囂擾寒山抱艸廬每從花下飲醉倚竹間癯
野水疏青徑炊烟散碧虛此中堪避俗豈獨戀三餘
曲折峰峯側高低樹樹欹風謠田父記耕種婦人知
舊燕巢危棟饒蜂飲斷枝友朋饒韻事花底寫新詩
壬子永新雨爲邑侯王桂軒志喜

江世琳 豆村

盛夏苦酷鬱當秋益亢陽不雨四十日大鼎沸蜩蟬
我猶是廣厦捫背汗流漿蚊雷轟白晝無夢到羲皇

草木半焦萎遑問稔稻梁豈不事桔槔人人爭陂塘
平昔守望地今爲格鬪場兩持無所濟兩敗亦俱傷
水乾血未已灑血訢穹蒼從此訟獄興多因年歲荒
師巫紛禱社伐鼓音鏗鏗酒酸神不管旛幢棄道傍
邑吏真仙品迎龍起潛藏築壇無人境默與民祈禳
有雲膚寸合密布自前岡颼風轉蓬勃天氣慘昏黃
須臾散漫去五采絢明光炎官張火傘妖星出彗芒
炷香再拜立引咎增愧惶天高聽自卑積誠乃降康
初聞浙瀝聲飛灑入迴廊漸看烟霏台一幅瀟湘長
破塊非所期得寸驚已狂明當報三尺滴滴珠璣量

芸芸天地內憂患各有方吾志不在飽亦喜年豐穰
旅館清塵臆造次來花香閉門且偃息散髮秋風涼

登秋山望雲

孝廉 江慕柳

挈伴遊秋山攀援上孤削巉峭入杳冥岩崑輝碧落
遙見無心雲天半紛盤礴燃石自騰香輪囷氣蕭索
天矯飛虬龍蜿蜒伸尺蠖玉葉映金柯出岫浮澗壑
霎時烟霧開錦章歸囊橐

龍溪

江慕柳

禾山多奇景石磴莽轟轟截薛起危峰群巒祇一
龍溪高浪飛盪激翻雪屋流沫灑長銜泉源

天漿馮絕巘潺湲撼山腹瀟瀟出重霄難以窮遠目

浮玉閣晚眺

邑庠 陳方旭

乘興凌高閣秋容一望收赤霞扶景麗紅葉綴林幽
烟散水疑落雲移山欲流相看饒野趣何必話滄洲
事不若仙人未了棋

梅田洞

邑庠 湯志尹

一竇烟光百丈絲半天梵籟鳥傳枝羸輸算盡還多
龍門

貢生 龍益舜

銀漢分聲天上來奔崖觸石怒喧厯紫虬夜噴千村
雨鐵甲晴生萬壑雷收相臺前空落照千僧釜在半

蒼苔捫蘿摹得平原字一幅鵝溪百折迴

九日登義山

貢生 龍圖題

雅盤連岫蠹晴空百尺懸泉瀉玉虹遠水前村過斷
雁殘霞暮靄入丹楓籬邊蓼菊花虛摘市口香餐句
獨工尚有平臺當命酒好傾桑落月明中

秋日登永新城五首

江世琳 豆村

合嶂重溪抱郭迴鄂王祠裏野棠開雄豪空自留華
表忠孝何曾浩劫灰樹色遠看一雁下江聲寒捲萬
峯來下方塵夢知多少那得清鐘齊喚回

阿育風高萬戶寒丹巖碧洞隱仙壇磚間血不磨炎

宋潭底魂猶叱逆槩鳴犢伏籬秋草短野禽爭樹久
陽殘旂竿空有高僧度嘆息長川去渺漫

江光激灑抱迴峰峯頂明霞紫翠濃嶺樹盡搖金鎖
碎秋山都化玉芙蓉晴雷晝靜懸泉斷搗石聲乾落
葉封古渡口斜人跡少巖花香滿石蘭蓼

七十一峰削碧天八花臺上月娟娟勤王信國無踈
戚相業文安稱後先水落魚龍歸大壑秋高鶴鶴滿
前川荒原燎火年年發百草青燐泣暮烟

文竹梅花望杳冥楚天何處弔湘靈九江落日迷元
圃八月秋思滿洞庭近郭佛燈清梵徹傍沙漁尾晚

風腥扶節檢點來時路
搥鼓譙門及半扇

弔忠義潭

廣生 歲貢 劉萬載 龍溪

嘆息匡山大事休
窮鄉亦自憤同仇
嘉禾城下如湯水
不作人間混濁流

詠碧波巖

劉萬載

芙蓉萬仞鬱崔嵬
磴道平臨紺宇開
龍陣高飛秋海濶
靈霞卷鐵走晴雷

浮玉洲

貢生 劉景清 海珀

銀沙碧草淨秋波
四面樓臺上下坡
清磬一聲羣籟息
蘆花深處月明多

倚天湖

邑庠 賀毓傑 超士

不須貫月遡源流
直在禾山最上頭
百丈玉虹看未了
桐鯨吼落海門秋

春日浮玉閣閒眺

江世琳 豆村

春風綠遍禾川草
處處花枝戀啼鳥
一筇步出城東門
隔岸好山看不了
蓬壺縹渺縈飛烟
芙蓉萬仞滄波前
向後一峯更突兀
勢欲撐破飲摩天
江濤新漲千層碧
危樓冷浸玻璃濕
雙流蜿蜒如走蜺
中有巨鰲釀首立
何人散髮長松間
倒跨蒼虬橫鐵笛
對此遊興頗添濃
天風吹我上駝峰
丹竈茶烟暗楊柳石

壇幅影伴魚龍倚欄長嘯不即去落日淡淡起暮鐘

秋山升天巖

康生 顏中砥 水昂

磴道盤旋上翠微
樞密密護巖扉
摩天峭壁不盈尺
傍屋脩柯正合圍
石室葉煨丹灶火
僧廊衲補白雲衣
牧兒敲響前村鐸
角角山鷄趨客飛

秋日遊禾山二首

監生 劉述堯

秋風古寺白雲間
獨立蒼寒面晚山
却咲嘉禾十八祖
荒厨繡釜蝕苔斑

纔向白雲深處過
天風引我下磐陀
鳥聲啼罷斜陽裏
七十一峯秋色多

搗石

岸庄 劉見龍

怪石無端秋自鳴
西風吹作搗衣聲
天涯多少繁霜鬢
此夜同牽萬古情

一滴亭

釋成繪 素菴

一滴亭前水雙環
萬歲橋寺攢青巘
合日出石城標細
港濛蘅薄曲欄護
藥苗頗懷濟勝具
典至豈辭遙

禾山寺

左克絃 令東

寂寞棲禪地木魚喜共尋
苔封紆逕滑鶴占野巢深
古木紫清吹幽禽噪夕陰
巖扉塵不到靜養白雲心

阿育塔

岸庄 劉世律

布路在神州舍利八萬所禾川得其一澄江挺孤嶼
矗立霄漢間羣峯踵餘伍猿梯絕攀扶鳥道通一縷
冒險窮其巔悸如登岱愈石佛自何年合尖結緝宇
广屋鐵瓦幪風霜經太古手摩白雲關天颺振篋簾
其下瀧龍宮石室撤門戶繫昔樵父渴一掬沿江滸
搔髯動之而金光駭目覩旱災申禱祈神功沛甘雨
原隰沾溉勻四郊豐稔穰穰水因龍靈昭昭福下士
山以佛得名堪並洛伽數

禾山小莊

歲貢

劉以寧

震發
花溪人

翠栢森森綠映天昔人手澤尚依然豐年樂事饒村

與賽廟歸來足醉眠

騶岡詩

邑庠

羅維藩

建六

十里鐘聲塵夢回松門高隱說經臺從官緋紫分行
入寶馬旌旌按轡來斷石雲屯衡馬阻驚濤雪擁禹
門開蕭條木末頰含睇楚角吳根漫溯洄

譚節婦八磚遺跡

邑庠

唐繼嶠

古竹人

趙氏遺傳萬古存常携幼子伴貞魂笄幘亦切同仇
恨陵谷不遷化碧痕嚙指早題衣上句伏梁要信屠
兒言逆粲終自腥兵血起爲夫人爵一樽

登鷺山

監生

李錫

試劍人何處藏書深復深
空山來剝啄喬木轉崖陰
頓息塵凡慮時聞猿鶴吟
可容長抱膝結室白雲岑

南華雪

監生 賀盛世 文麟

積雪俯岩堯經旬凍未消
平鋪明月砌高壘白雲巢
樵徑已埋沒僧房迥寂寥
山中誰共卧僵折老梅條

浮玉洲

謝家鳳

禾陽山下水滔滔去靡極
何年地維裂撐起一拳石
巖巖峙中川晝夜涓潮汐
上有昆邱城鎮此蛟龍窟
初日蜃氣交珠宮絢金碧
樹影橫軒窓身聲傍几席
春偶一過浮生即半日
天風細細吹雲靜四山出

忠義潭

岸生曠 雲 睿思

大火銷殘宋祚移六宮
銜壁亦堪悲匡山波浪無遺
塊柴市風沙有義旗
半直孤城弛鎖鑰同時八姓墜
江湄鄉人立廟袍溪上萬古芳名泐
鼎彝

奉陪李父師春日遊梅田洞

岸生 劉 澍 雨亭花 溪人

已放紅梅早猶尋谷口香
雙童虛講席一枕寄仙床
豈必懸珠在何須璞玉藏
留題經茂宰洞自有輝光

黃花灘

謝家鳳

放棹下黃花陰雨春方半
濁流沒亂碛卷底皆成漩
舟師頻轉柁軋軋鳴鶴鷗
簸播苦不寧難禁心目眩

上者如負弩竭力挽前牽人聲雜瀨聲未奔先為殿
一篙不及支央飲脫劇箭我生多役役行險非所慣
惶恐此灘前胡為從汗漫

○ 玉虛觀散步

邑庠劉愈
文韓花溪人

竹映牕前水漱門數聲幽鳥報朝昏行來恐踏苔痕
破目送山雲過遠村

馬頰道中

例監史朝雅奏

谷轉峰迴曲曲灣仙山肺腑閉重關芙蓉水落鯨鮓
前蘆荻風微鷗鷺閑古步魚梁資揭涉絕岕樵逕鑿
茅菅野竹結室無人境一任行雲自行還

李烈婦墓

庠生曠瑞年
新田人

烈婦湖南鄧庠譚辰漢妻順治己丑遭寇亂
避居邑之雞冠塘被執不辱溺水死遂葬其
地事詳鄧志

鬱鬱埋香已百年芳魂猶自守遺鈿月明愁倚西風
立蔓草荒郊泣杜鵑

梅田洞

羅光國

笑指三山入白雲去處深石門開廣宇崖木結層陰
殘局無窮意靈符未許尋但聞流水嚮為我寫鳴琴

先貞烈祠告成

庠生譚尚書

梁公毀野廟四祠至今存巋然魯靈光萬古節義尊

吾家八磚烈熱血洒乾坤勝國下旌詔棟宇並黌門
敢斲地天柱勉扶道義根寒月照古色新宮集幽魂
數椽棲俎豆長此愧初孫

四鄉各姓祠樂助志費

隨到隨刊不列次序

小鄉

長塘陳氏善慶堂伍兩

洲陂尹氏祠貳兩

環溪尹氏昭慶堂肆兩

南邊劉氏祠貳兩肆錢

夏洋湯氏祠肆兩

長源劉氏培德堂壹兩

樟楓劉氏祠叁兩

溶江賀氏祠貳兩肆錢

礮溪江氏祠貳兩捌錢

龜石彭氏祠壹兩

牛田尹氏祠伍兩

白土吳氏一本堂

壹兩陸錢

小水李氏叙倫堂伍兩

溶江劉氏祠叁兩

拿山張氏祠伍兩

茅坪劉氏祠貳兩伍錢

洲尾尹氏祠伍兩

長溪周氏肇基堂壹兩

東里張氏祠貳兩伍錢

劉氏世慶堂壹兩

白土陳氏祠肆兩

樟棍吳氏祠壹兩肆錢

木坊嚴氏祠肆兩

長溪劉氏篤慶堂壹兩

東里顏氏祠貳兩

官路王氏祠肆兩

燕山周氏仁愛堂壹兩貳錢

田頭陳氏祠陸錢

東里胡氏敦敘堂壹兩

夏陽蕭氏餘慶堂壹兩貳錢

室上龍氏祠壹兩

南城陂尹氏祠貳兩

上劉氏祠壹兩

小沙洪氏祠壹兩

茅坪陸氏燕照堂壹兩
富頭吳氏祠貳兩

有籍

南塘賀氏大祠伍兩

廉里吳氏祠伍錢

袍陂龍氏長善堂叁兩
永思堂貳兩

田南尹氏孝友堂壹兩

沙溪史氏敬愛堂伍兩

花菴牛氏祠叁兩

洲湖吳氏惇叙堂叁兩

發關市康氏祠貳兩

泮中李氏耕讀堂貳兩

發關市龍氏祠貳兩

南塘吳氏祠壹兩捌錢

發關市彭氏祠伍錢

黃淇龍氏光裕堂壹兩

發關市胡氏安瀾堂壹兩

楓渡張氏益隆堂壹兩伍錢

發關市田氏鳳鳴堂壹兩

莊源龍氏祠貳兩

發關市周氏世德堂叁兩

竹山尹氏本源堂

叁兩 叁錢

學背顧氏武陵堂

壹兩 伍錢

斜陂龍氏振蟄堂壹兩

南街盛氏祠壹兩

歐田譚氏敦本堂肆兩

烟江郭氏惇叙堂貳兩

江下坊劉氏正倫堂伍兩

老仙賀氏亦政堂壹兩

漣村賀氏大經堂叁兩

烟岡樊氏祠壹兩

仁里會貳兩伍錢

西鄉

西湖李氏萃和堂貳兩

肆錢

漢山劉氏藜閣堂

壹兩 伍錢

四壇龍氏敦叙堂叁兩

艾田胡氏祠貳兩

三里塘劉氏敦倫堂貳兩

江口尹氏祠壹兩五分

龍田賀氏詩人堂伍兩

屋背陳氏祠壹兩陸錢

沿溪顏氏承公堂肆兩

沙洲敦倫堂壹兩陸錢

麻田左氏照倫堂叁兩

田尾陳氏祠捌錢

墨莊劉氏祠伍兩

劉氏敦叙堂壹兩壹錢

文竹周氏祠伍兩

鄱陽蕭氏祠壹兩

厚溪周氏祠叁兩

石市汪氏敦叙堂伍兩

王氏三公堂壹兩

大嶼周氏祠肆兩貳錢

白泥湖左氏源遠堂壹兩

鄱陽段氏祠肆兩陸錢

夏氏宋威堂壹兩

東里汪氏清穆堂

肆兩 伍錢

李氏盡誠堂陸錢

梅花彭氏孝敬堂叁兩

田尾蕭氏祠肆錢

洋江汪氏篤慶堂肆兩

東溪周氏祠壹兩

山塘劉氏祠貳兩貳錢

芟田小水尹氏愛敬堂壹兩伍錢

沙田尹氏祠肆兩

劉氏敦倫堂貳兩肆錢

南城龍氏祠貳兩

夏坵徐氏祠壹兩

彭氏興公祠貳兩

寨溪陳氏百川祠壹兩

尹氏讓公祠貳兩

沛淌蕭氏穎公祠壹兩

達鏡賀氏祠貳兩

南汶湖塘蕭氏

碩公祠壹兩
五世祠貳兩

芟田彭氏

忠義堂貳兩
捌錢二分

十一劉氏敦倫堂叁兩貳錢

北鄉

北山後隆堂劉氏祠肆兩

樟木橋陳氏祠伍錢

仰山劉氏祠叁兩

紫霧源賀氏祠捌錢

虹橋甘氏祠伍兩

江坊劉氏祠壹兩

逢橋左氏祠壹兩

淳塘朱氏祠壹兩

大社劉氏祠叁兩

峯上戴氏祠壹兩伍錢

琥溪賀氏祠叁兩

九都何氏祠陸錢

溪岡馬氏祠壹兩陸錢

大岡曾氏祠伍兩

花陂肇慶堂劉氏祠貳兩

田西王氏祠肆錢

神岡蕭氏祠伍錢

北鄉馮氏祠陸錢

願田賀氏祠叁兩

蓮塘承德劉氏祠壹兩捌錢

知竹曾氏祠壹兩

赤石橋王氏祠伍錢

汶水劉氏祠貳兩

千古洲劉氏祠伍兩

合東左氏祠肆兩

靈塘邊左氏崇德堂

心田曠氏祠壹兩

虹橋蕭氏樹德堂叁兩

田南歐陽谷三堂貳兩

虹橋彭氏祠叁兩

中陂顏氏祠伍錢叁分

峯上羅氏祠壹兩

源頭龍氏祠貳兩伍錢

北門曹氏祠壹兩

古竹唐氏祠壹兩

專坊曾氏祠壹兩伍錢

丹下段氏敦倫堂

壹兩陸錢伍分

高塚新塘龍氏祠叁兩

南嶺段氏祠陸錢

固塘錢溪文氏祠壹兩柒錢

